

全上古三代秦漢三國六朝文

全北齊文卷四

烏程嚴可均校輯

魏收

收字伯起小字佛助鉅鹿下曲陽人魏驃騎大將軍子建子孝明時除太學博士遷司徒記室參軍永安中除北主客郎中節閔卽位遷散騎侍郎兼中書侍郎孝武卽位除廣平王贊開府從事中郎兼中書舍人孝靜卽位爲神武中外府主簿轉府屬兼散騎常侍武定中除正常侍兼著作郎轉祕書監除定州大中正齊受禪除中書令封富平縣子除魏尹又除梁州刺史進太子少傅兼太子詹事廢帝卽位除侍中遷太常卿轉中書監皇建初除右光祿大夫儀同又除兼太子少傅解侍中太監初加開府河清中兼右僕射天統初除左光祿大夫齊州刺史進尚書右僕射特進武平三年卒贈司空尚書左僕射諡曰文貞

有後魏書一百三十卷集七十卷

南狩賦

聘遊賦

皇居新殿臺賦

懷離賦

庭竹賦

並見北齊書
魏收傳亡

爲魏孝靜帝伐元神和等詔

門下向背有禍福之機、誅賞爲威勸之本、軌物成務、咸必由之、侯
景擢自凡猥、名行無聞、僥倖時來、謬見收試、狡猾反覆、唯利是從、
往事爾朱、偏受榮遇、一朝去就、罔顧昔恩、趙趣輕動、志在姦詐、朝
廷弃瑕、臧穢仍蒙令引、庶其鶚音可革、取其行閒之用、位踰其量、
過延寵祿、藉我風雲、遂成鱗羽、入列鼎臣、出裁節將、勳無可紀、才
不足徵、而淺器遽盈、知小謀大、謂己功名、難居物下、曾不知狐假

虎威。虺惡。竊積苞藏禍心。潛圖不軌。因總戎之際。乘專任之機。擁
逼兵衆。構釁南服。此乃懦夫扼腕之日。義士切齒之秋。凡在人倫。
孰不憤慨。而前揚州刺史元神和何悅。張慶壽王黑醜。宮延和主
貴顯侯仙劉崇信張業等九人。竝已賤蔑名汗朝簡。了無犬馬之
職。便有梟獍之心。密相影響。贊成姦逆。隨託豺狼。長茲蛇虺。欣其
位署。委質驅馳。甘厥鉤餌。效已死力。東西殘掠。毒被村塢。扇合蛾
蟻。終此亂階。叛恩背德。莫此之甚。雖蹈名義。事非小人。而申禁垂
法。國有恆典。其此九家。竝可從憲。擊戮之科。理無攸捨。自餘拘繫
誑誤之徒。既懼死俛眉。情非樂禍。宜疏天網。一原不問。固使逆節
知沴。薦之制。傾側獲自安之所。文館詞林

爲孝靜帝下詔禪位

三才剖判。百王代興。治天靜地。和神敬鬼。庇民造物。咸自靈符。非
一人之大寶。實有道之神器。昔我宗祖。應運奄一區宇。歷聖重光。

暨于九葉德之不嗣仍離屯圯盜名字者遍于九服擅制命者非止三公主殺朝危人神靡繫天下之大將非魏有賴齊獻武王奮揚靈武剋前多難重懸日月更綴參辰廟已埽除國由再造鴻勳巨業無德而稱逮文襄承構世業逾廣邇安遠服海內晏如國命已康生生得性迄相國齊王緯文經武統茲大業盡徵窮幾研深測化思隨冥運智與神行恩比春天威同夏日坦至心于萬物被大道于八方故百僚師師朝無秕政綱疏澤洽率土歸心外盡江淮風靡屈膝辟地懷人百城奔走關隴慕義而請好瀚漠仰德而致誠伊所謂命世應期實撫千載禎符雜遝異物同途謳頌填委殊方一致化終之迹斯表人靈之契已合天道不遠我不獨知朕入纂鴻休將承世祀藉援立之厚延宗社之算靜言大運欣于避賢遠惟唐虞禪代之典近想魏晉揖讓之風其可味興替之禮稽神祇之望今便遜于別宮歸帝位于齊國推聖與能眇符前軌王

者宣布天下。已時施行。北齊書文宣紀：案高祖政傳云：德政自及，勸進文表，魏收傳云：齊將受禪，楊愔奏收置之別館，令撰碑代詔策諸文。

爲文宣帝出師詔

天保七年

朕厯數在躬，志清四海。茲爾秦隴，久阻風化。混一之事，期在今日。必當訓旅誓衆，天動雲臨。朕已下木汾流，成船晉地，便當躬先將士，汎入玉壁，徑掩長安。梟彼凶首，朕與梁國舊好，敦睦聞其奸計，乃欲規謀，宜令上黨王渙、總勒熊羆，星流風捲。王者之言，明如日月，宜宣內外，咸使聞知。御覽五百九十九引三國典略：齊王召鍾足元言曰：雖藏山沒水，終不縱赦。于是遣渙南使。

爲武成帝己三臺宮爲大興聖寺詔

河清二年八月

門下皇居帝邑，揆日瞻星，仍維有常。几席斯在，雖今古推移，文質代變，而成世作範，義貴適時。朕奄家四海，作孚萬國，當陽負展，深存庇毗，濟下利物，無忘懷抱。昭仁訓俗，不遺造次。今臨嚮聽朝，咸

極崇廣、宴息之所、不足溫華、每謂爲之者勞、居之者逸、至于離宮別館、有時遊幸、耳目所及、聊可忘懷、而乃千門洞啟、萬柱周架、上迫雲漢、下臨雷雨、巧極金銅、麗殫珠璧、蒼然長想、良非宿心、三臺竝列、蕪穢自久、天保之末、經構甫興、仍創棟宇、規模宏博、有司過實、匠人逞功、氓庶勞止、靡費難量、旣非殿寢正所、便爲虛衛之地、凝華生白、經歷歲年、不翦茅茨、事煩逼下、卑其宮室、有可庶幾、願茲侈麗、豈伊寧處、自魏朝失政、九域崩離、人神無主、實求明聖、我太祖獻武皇帝、拔茲乾紀、執斯地綱、懸持日月、嘯咤風雲、紀忠貞、已成務、感靈微而大造、爰已克定之初、躬圖道場之業、神迹冥果、理燭幽明、朕嗣膺寶祚、永惟嘉祉、仰祇先志、尚竦玄門、思展聿修之重、念歸喜捨之大、肌膚匪恡、國城何寶、期濟率土、至于圓極、可已三臺宮爲大興聖寺、此處極土木之壯、窮丹素之妍、奇怪備于刻削、光華異于圖彩、願使靈心、矜猷神物、群會真覺、唯寂有感、必

通化爲淨土，廣延德眾，心若琉璃，法輪常轉，灑甘露于大千，照慈

鑑于曠劫。

釋藏卷五廣宏明集二十八上初學記二十三

冊命齊王九錫文

於戲敬聽朕命。夫惟天爲大，列畧宿而垂象，謂地蓋厚，疏川岳，已阜物，所已匹。時代序，萬類駢羅，庶品得性，羣形不夭。然則皇王統麻，深視高居，拱默垂衣，寄成師相。此則夏伯殷尹，竭其股肱，周成漢昭，無爲而治。頃者天下多難，國命如旒，則我建國之業，將墜于地。齊獻武王奮迅風雲，大濟艱危，爰翼朕躬，國爲再造。經營庶土，已至勤憂，及文襄承構，愈廣前業，康邦夷難，道格穹蒼。王繼德應期，千齡一出，惟幾惟深，乃神乃聖，大崇霸德，賈廣相猷。雖冥功妙質，藐絕言象，標聲丕迹，典禮宜宣。今申後命，其敬虛受。王傳風初舉，建旗上地，庇民立政，時雨滂流，下識廉恥，仁加水陸，移風易俗，自齊變魯。此王之功也。仍攝天臺，總參戎律，策出若神，威行朔土。

引弓竄跡松塞無煙此又王之功也逮光統前緒持衡匡合華戎
混一風海調夷日月光華天地清晏聲接響隨無思不偃此又王
之功也邈矣炎方逋違正朔懷文耀武接略申規淮楚連城漼然
桑落此又王之功也關峴衿帶跨躡蕭條腸胃之地岳立鵠峙偏
師纔指渙同冰散此又王之功也晉熙之所險薄江雷迴隔聲教
迷方未改命將鞠旅覆其巢穴威略風騰傾懾南海此又王之功
也羣蠻跋扈世絕南疆搖蕩邊垂亟爲塵梗懷德畏威向風請順
傾陬盡落其至如雲此又王之功也胡人別種延蔓山谷酋渠萬
旅廣袤千里憑險不恭恣其桀黠有樂瀉風相攜叩款粟帛之調
王府充積此又王之功也茫茫涉海世敵諸華風行鳥逝倏來忽
往旣飲醇醪附同膠漆甕裘委仞奇獸銜尾此又王之功也秦川
尚阻作我仇讎愛挹椒蘭飛書請好天動其衷辭卑禮厚區宇又
寧遐邇卑至此又王之功也江陰告禍民無適歸肅宗子弟尚相

投鹿如鳥還山、猶川赴海、荆江十部、俄而隸割、乘此會也、將混來
方、此又王之功也、天平地成、率土咸茂、神符顯見、史不停筆、既連
百木、兼呈九尾、素遇秦崔、蒼比周烏、此又王之功也、搜揚管庫、衣
冠獲序、禮云、樂云、銷沈俱振、輕徭徹賦、矜獄寬刑、大信外彰、深仁
遠洽、此又王之功也、王有安日下之大勲、加日表光明之盛德、官
贊洪猷、曰左右朕言、昔旦奭外分、毛畢入佐、出內之任、王宜總之、
人謀鬼謀、兩儀協契、錫命之行、義申公道、曰王踐律蹈禮、軌物蒼
生、圓首安志、率心歸道、是曰錫王大路、戎路各一、玄牡二駟、王深
重民天、唯本是務、衣食之用、榮辱所由、是用錫王袞冕之服、赤舄
副焉、王深廣惠和、易調風化、神祇且格、功德可象、是用錫王軒懸
之樂、六佾之舞、王風聲振赫、九域咸綏、遠人率俾、奔走委贄、是用
錫王朱戶、曰居、王求賢選眾、草萊曰盡、陳力就列、罔非其人、是用
錫王納陛、曰登、王英圖猛業、抑揚千品、毅然之節、肅是非違、是用

錫王武賁之士三百人王興亡所繫制極幽顯紂行天討罪人咸得是用錫玉鈇鉞各一王鷹揚豹變實扶下土狼顧鳴張罔不彈射是用錫王彤弓一彤矢百盧弓十盧矢千王孝悌之至通于神明率民興行感達區宇是用錫王鉅鬯一卣珪瓚副焉往欽哉其祗順往冊保弼皇家用終爾休德對揚我太祖之顯命北齊書文宣紀

禪位冊

咨爾相國齊王夫氣分形化物繫君長皇王遞興人非一姓昔放勳馭世沈璧屬子重華握麻持衡擁璇所已英賢茂實昭哲千古豈盛衰有運興廢在時知命不得不授畏天不可不受是故漢劉告石當途順民曹厓不承金行納禪此皆重規襲矩率由舊章者也我祖宗光宅混一萬寓送于正光之末奸孽乘權厥政多僻九域離盪永安運窮人靈殄瘁羣逆滔天割裂四海國土臣民行非魏有齊獻武王應期授手鳳舉龍騰舉廢極已立天扶傾柱而鎮

地剪滅黎毒匡我墜厓有大德于魏室被博利于蒼生及文襄繼軌誕光前業內剿凶權外摧侵叛遐邇肅晏功格上玄王神祇協德丹梁一世體文昭武追變窮微自舉跡藩旄頌歌總集入統機衡風猷弘遠及大承世業扶國昌家相德日躋霸風愈邈威靈斯暢則荒遠奔馳聲略所播而鄰敵順款曰富有之資運英特之氣顧眄之間無思不服圖謀潛蘊千祀彰明嘉禎幽祕一朝紛委曰表代德之期用啟興邦之迹蒼蒼在上照臨不遠朕曰虛昧猶未遐巡靜言愧之坐而待旦且時來運往嫺舜不暇曰當陽世革命改伯禹不容于北面沉于寡薄而可踟躕是曰仰協穹昊俯從百姓敬曰帝位式授于王天祿永終大命格矣於戲其祇承厓數允執其中對揚天休斯年千萬豈不盛歟

北齊書
文宣紀

太子監國冬會議

去天保初皇太子監國冬會羣官于西林園都亭坐從東面義取

于嚮中宮殿臺故也二年于宮冬會坐乃東面收竊曰爲疑前者
遂有別議議者同之邢尙書曰前定東面之議復申本懷此乃國
之大禮無容不盡所見收曰爲太子東宮位在于震長子之義也
案易八卦正位嚮中皇太子今居北城于宮殿爲東北南面而坐
于義爲背也前者立議據東宮爲本又案東宮舊事太子宴會多
曰西面爲禮此又成證非徒言也不言太子常無東西二面之坐
但用之有所至如西園東面所不疑也未知君臣車服有同異之
議何爲而發就如所云但知禮有同者不可令異不知禮有異者
不可令同苟別君臣同異之禮恐重紙累削書不盡也

隋書禮儀志四通典

上魏書十志啟

臣收等啟昔子長命世偉才孟堅冠時特秀憲章前誥裁勒墳史
紀傳之間申曰書志緒言餘述可得而聞叔峻刪緝後劉紹統削

撰季漢十志實範遷固表蓋闕焉曹氏一代之籍了無具體典午終世之筆罕云周洽假復事番四夷盜聽聞有小道俗言要奇好異攷之雅舊咸乖實錄白水嘉喪圯中原淆然偏僞小書殆無可取魏有天下跨蹤前載順末克讓善始令終陛下極聖窮神奉天屈己顧眄百王指掌萬世深存有魏撫運之業永念神州人倫之緒臣等肅奉明詔刊著魏籍編紀次傳備聞天旨竊謂志之爲用網羅遺逸載紀不可附傳非宜理切必在甄明事重尤應標著搜繼上下總括代終置之眾篇之後一統天人之迹褊心未識輒在于此是已晚始撰錄彌歷炎涼采舊增新今乃斷筆時移世易理不刻船登閣含毫論敘殊致河溝往時之切釋老當今之重藝文前志可尋官氏魏代之急去彼取此敢率愚心謹成十志二十卷請續于傳末并前例目合一百三十一卷臣等妨官秉筆迄無可采塵黷旒冕墮深冰谷謹啟

魏書一百五

與李德林書論齊書起元事

前者議文總諸事意小如混沌難可領解今便隨事條列幸爲爾

懷細加推逐凡言或者皆是敵人之議既聞人說因而探論耳

李德林傳

李德林傳

重遺李德林書

惠示二事感佩殊深呂魯公諸侯之事昨小爲疑息姑不書卽位

舜禹亦不言卽位息姑雖攝尚得書元舜禹之攝稱元理也周公

居攝乃云一年救亂佾不稱元自無大傳不得尋討一之與元其

事何別更有所見幸請論之

同上

爲侯景叛移梁朝文

夫化成萬物分界九道紀之曰山河照之曰日月方足圓首含氣

呈形成總之于聖人畢會之曰朝市皇魏應銜甲之祕圖紉封金

之寶命萬方爲宅四海爲家卜世靈長將踰八百天壤之間朝不

別焉、唯夫三江五湖、九鎰百濮、其地如掌、人烏未分、瞻星昧環拱之方、託水迷朝宗之義、傾蠅爲眾、長蛇稱長、石田無菽粟之用、器人非聲教所孚、是已年歷三偽、棄而不有、豈力不足、蓋所未徵、而陸梁塗泥、時軼疆鄙、天討所遺、理存惡殺、自二紀及茲、中原多故、未清區宇、文武兼勤、偃伯歸戰、有懷勞止、將令動植俱仰堯心、遂冠蓋括途、象胥提告、推誠蹶然、類識王道、授衣禮節、拜首歸仁、無賊所曰爲高、止戈故能稱大、方知夙沙交臂、不待兵車、有苗納款、未勞征伐、而庸夫爲善、希能令終、狂人克念、更知徒語、聞利無匹、夫之信、好虐有助鬼之心、白頭爲賊、曾莫自揆、嘉文浮功、甘于苟得、罔顧榆次之禍、詎識江浦之禽、侯景一豎、微蔑民斯下矣、人倫士操、本自不倫、直曰少從羈勒、頗習趨走、叨忝名器、事出爾朱、藏情諂笑、唯利是視、義兵同舉、郡胡覆族、雖狐祭首丘、事非小人而忘恩背本、景爲先至、不義不信、自此可知、但丁公之殲時、有未可

也大澤深山龍蛇竝直遂容其悔非棄其瑕穢任曰將率授曰兵符庶其被鞍銜鍊盡力馳驟指蹤投縲驚免或擒而弱才負重折足是慮置之不爭之地虛出韓鄒之閒曾無戰伐之勤可言摧陷之績歲往年徂率無可紀而腹心羣小信納通亡劫奪行道侵掠民庶流聲遠聞王法有典驄馬將出朱筆且行自貽伊戚了不知咎盜僧主人乃圖逆節拔本塞源曰委身賊虜逼脅居民翻蕩城池義手曲躬千里唯諾賤賊相依忻同鱗水寵曰大位屬曰東方外曰臣主內深骨肉安危契闊約曰死生拯其鼎鑊之命全其齏粉之福時不暇浹翻然易慮還相掩擊事劇仇讎反覆剽獲莫非此類至于老母暮倚少弟升岡妻望行夫子號出父食毛之屬可爲痛心哉景忽之如草芥棄之如塵垢任其斷截之誅安其烹斬之痛放麇食子有曰可親觀賊窮否恥其竝主獸心人面華裔同讎歸家懼執法之刑赴賊反噬磨之勞首領無地進退數窮遂卑

邪說自託左右、苟有君子義均、逐雀而彼方上下樂禍好亂、叛竊之豎、復毒之人、圖浮芥之小利、忘丘山之大禍、乃崇飾土偶、被曰玄黃、馳馬高蓋、載饒爲重、委曰專征、施其爪角、驅逼子姓、率我叛亡、逼朕虐之侶、鞠苦役之眾、蟻攢蚋集、侵竊邊鄙、恤患分災、本不耍于違僻、違眾悖禮、蓋神明之所誅、皇帝垂旒華土、則天而動、卷覆三古、懷佩百王、掌握中道、崇基增構、殊塗同會、百慮一歸、中外禔福、戎華俱庇、持秋霜夏震之威、呂拔山超海之力、顧指則風雲總至、迴眸而山岳削平、雖復旗鼓所臨、有征無戰、猶曰師出而服、辱在我世、所務者息民、所存者文德、豈復呂擒將威敵、漂杵溺駭、爲功于一時、示武于千載、且天生五材、有聞前古、禍非我貽、其得已乎、遂置壇命將、持柯畢禮、引營就道、分途競馳、批熊舉輪之士、翹關扛鼎之卒、被組橫矛、執殳挺劔、龍駒竝躍、驥子千羣、沸聒天壤、蒸鬱雲霄、一朝指揮、倏忽千里、候騎羅絡、聊逞前驅、天兵之鼓

未鳴眾軍之旗詎接而荆楊烏合一朝崩解塞州滿野截耳截鼻
曰千萬計不可勝數宗親節將咸見擒束委命軍吏憂在鼙鼓楚
兵吳甲積若山丘青鵲赤烏噎流斷岸千金之貴爲我資焉痛辱
可哀其利安在覆師喪旅禍本可尋方之噬臍悔之靡及皆侯景
叛戾虛相陷誘指成提挈之舉終無犄角之勢景棄本趨末背國
違鄉郅下數千屈逼羅網離親懷土一日三秋拘網立匏朝不謀
夕豈能搖足東上遠赴彭城天奪彼魄信納虛詭使蕭明貴孫面
縛于徐泗景爲凶藪逡巡而坐觀託人七尺之身居人成敗之地
急病讓醫固若此也兩端自見故態未除今知東南滌蕩雖潼清
復梁之喪師單輪不返擊援之期終當無日勢窮路盡憂在滅亡
事畱變生將謀及已且彼軍殲殄江淮屠酷禍源贗迹景變爲之
上懼金陵君長致請設二字疑之責下恐荆吳子弟法疑父兄之冤
愚小猜驚將興異計乘專任之機藉方面之重必當招結傖楚扇

合無賴內自封植外絕防禦因見信而類起出不疑曰禍發事比疾雷理同激矢上或憑陵乘疾專擅縱橫下則鴟峙淮肥覬覦叛換老疾姦回不虛然也而彼土區區厚加崇納置之襟帶之方處曰藩籬之所費金帛于裂火罄酒漿于漏卮非乘景虛聲委其變用夫量材授任必原其始攷行責成當存其大景豺聲蜂目之首狼心狐魅之徒義無父子棄同卽異捐親背德于我尚反目而去在梁則何施可懷且我重傷心尾大不掉魚脫于淵義彰老氏而假威凶險授柄姦回欲求肝膽之誠更啟危亡之兆固智者不爲迷者遂去若抽薪止沸翦草除根壺首囊頭又手械足返國姦于司敗歸侵地于玄武非直惡之在今天道人事實棄無禮苟達之者其長世何若悔非知罪恭承德音且欲飛驛合符班師凱入悠悠水鄉有救其死若乃執飾非之辨固遂過之失便當盡常勝之戰極必取之攻飛江南渡深山將恐削壤卑名雖頓顙而不獲亡

宗滅廟望喬木而可悲昔田假英入于期壯士窮而歸我許曰入
懷景竦悖狗子攪亂四國庸可紓難棄若孤鵠何足戀戀于亂臣
勤勤于賊子也王者之威心厲如霜雪信同寒暑言猶麗天移至
深念變通熟量可否幸思大雅無貽後悔

文苑英華六百五十八又
案藝文類聚五十八又

有魏收撰梁文今據文苑
英華通鑑編入杜漸集中

枕中篇

收曰子姪少年申曰戒厲著枕中篇其詞曰

吾曾覽管子之書其言曰任之重者莫如身途之畏者莫如口期
之遠者莫如年曰重任行畏途至遠期惟君子爲能及矣追而味
之喟然長息若夫岳立爲重有潛戴而不傾山藏稱固亦趨負而
弗停呂梁獨洩能行歌而匪惕焦原作險或躋踵而不驚九陔方
集故渺然而迅舉五紀當定想宵乎而上征苟任重也有度則任
之而愈固乘危也有術蓋乘之而靡恤彼其遠而能遊果應之而

可必。豈神理之獨爾。亦人事其如一。嗚呼。處天壤之間。勞死生之地。攻之曰嗜欲。牽之曰名利。梁肉不期而共臻。珠玉無足而俱致。于是乎驕奢仍作。危亡旋至。然則上知大賢。唯幾唯哲。或出或處。不常其節。其舒也濟世成務。其卷也聲銷迹滅。玉帛子女。椒蘭律呂。諂諛無所先。稱肉度骨。膏脣挑舌。怨惡莫之前。勳名共山河同久。志業與金石比堅。斯蓋厚棟不撓。遊刃害然。逮于厥德不常。喪其金璞。馳驚人世。鼓動流俗。挾湯日而謂寒。包溪壑而未足源。不脩而流濁。表不端而影曲。嗟乎。膠漆謂堅。寒暑甚促。反利而成害。化榮而就辱。欣戚更來。得喪仍續。至有身禦魑魅。魂沈狴獄。詎非足力不彊。迷在當局。孰可謂車戒前傾。人師先覺。聞諸君子。雅道之士。遊遨經術。厭飫文史。筆有奇鋒。談有勝理。孝悌之至。神明通矣。審道而行。量路而止。自我及物。先人後己。情無繫于榮悴。心靡滯于愠喜。不養望于丘壑。不待價于城市。言行相顧。慎終猶始。有

卷之三

二

一于斯。鬱爲羽儀。恪居展事。知無不爲。或左或右。則髦士攸宜。無
悔無吝。故高而不危。異乎勇進忘退。苟得患失。射千金之產。邀萬
鍾之秩。投烈風之門。趨炎火之室。載蹶而墜。其貽害。或蹲乃喪。其
貞吉。可不畏歟。可不戒歟。門有倚禍。事不可不密。牆有伏寇。言不
可或失。宜諦其言。宜端其行。言之不善。行之不正。鬼執彊梁。人囚
徑廷。幽奪其魄。明天其命。不服非法。不行非道。公鼎爲己信。私玉
非身寶。過縞爲紉。踰藍作青。持繩視直。置水觀平。時然後取。未若
無欲。知止知足。庶免于辱。是已爲必。察其機。舉必慎于微。知幾慮
微。斯亡則稀。既祭且慎。福祿攸歸。昔逯瑗識四十九非。顏子幾三
月不違。跬步無已。至于千里。覆一簣進。及于萬仞。故云行遠自邇。
登高自卑。可大可久。與世推移。月滿如規。後夜則虧。槿榮于枝。望
暮而萎。夫奚益而非損。孰有損而不害。益不欲多。利不欲大。唯居
德者畏其甚。體真者懼其大。道遵則羣。謫集。任重而眾。怨會其達。

也則尼父棲遯其忠也而周公狼狽無日人之我狹在我不可而
覆無日人之我厚在我不可而咎如山之大無不有也如谷之虛
無不受也能剛能柔重可負也能信能順險可走也能知能愚則
可久也周廟之人三緘其口漏卮在前敬器畱後俾諸來裔傳之
坐右

北齊書
魏收傳

庫狄干碑序

北史八
十三

祭荊州刺史陰道方文

維太昌元年十二月庚申朔越十二日辛未友人鉅鹿魏收謹已
清酌少牢之饌敬祭于荊州刺史陰君之靈嗚呼哀哉惟君世載
不殞英聲在茲風流有屬自爾弘之幸爲行本忠實身基旣言斯
立罄禮窮詩器則清賞才惟英博於陽風雷蕭條丘壑顧言朝市
忘懷澹澹比翼沈冥均清寂寞往塵守官及爾同僚墳簾合韻琴
瑟俱調丹墀踵武清道齊鑣跡淪閒曠心共津滌乃眷平生相析

多趨殷勤宴喜流連辭賦濫矣不追長違世務詠彼徒在音徹空
樹昔猶肢體與子裘裳今其往也生死殊方形骸何促天地何長
申茲沃醑贈以哀傷嗚呼哀哉

繕寫三部一切經願文

三有分區四生稟性共遊火宅俱淪欲海所曰法王當洲渚之運
覺者應車乘之期導彼沈迷歸茲勝地自寶雲西映法河東瀉甘
露橫流隨風感授皇家統天尊道崇法拔羣品于有待驅眾生于
不二所曰刻檀作續構石彫金遍于萬國塵沙數等復詔司存有
事緇素精誠踰于皮骨句偈盡于龍宮金口所宣總勒繕寫各有
三部合若干卷用此功德心若虛空已平等施無思不洽藉我願
力同登上果

廣宏明集
二十三

魏長賢

長賢收族叔孝靜時舉秀才除汝南王悅參軍入齊平陽王淹

辟法曹參軍轉著作佐郎河清中出爲上黨屯留令武平中
疾去職周平齊屢辟不就卒年七十四

復親故書

日者惠書義高旨遠誨僕曰自求諸己思不出位國之大事君與
執政所圖又謂僕祿不足曰代耕位不登于執戟千非其議自貽
悔咎勤勤懇懇誠見故人之心靜言再思無忘寤寐僕雖固陋亦
嘗奉教於君子矣曰士之立身其路不一故有負鼎俎曰越世隱
漁釣曰待時操築傅巖之下取履圯橋之上者矣或有釋貨車曰
匡霸業委挽輅曰定王基由斬祛曰見禮因射鉤而受相者矣或
有三黜不移屈身曰直道九死不悔甘心于苦節者矣皆奮于泥
滓自致青雲雖事有萬殊而理終一致權其大要歸乎忠孝而已
矣夫孝則竭力所生忠則致身所事未有孝而遺其親忠而後其
君者也僕自射策金馬記言麟閣寒暑迭運五稔于茲不能勒成

一家潤色鴻業善述人事功既闕如顯親揚名邈焉無異每一念之曷云其已自頃王室板蕩彝倫攸斁大臣持祿而莫諫小臣畏罪而不言虛痛朝危空哀主辱匪躬之故徒聞其語有犯無隱未見其人此梅福所已獻書朱雲所已請劍者也抑又聞之廢不恤緯而憂宗周之亡女不懷歸而悲太子之少況僕之先人世傳儒業訓僕曰爲子之道厲僕曰事君之節今僕之委質有年世矣安可自同于匹庶取笑于兒女子哉是已腸一夕而九迴心終朝而百慮懼當年之不立恥沒世而無聞慷慨懷古自強不息庶幾伯夷之風已立懦夫之志吾子又謂僕干進務人不畏朋友居下訕上欲益反損僕誠不敏已貽吾子之羞默默苟容又非平生之意故願得鋤彼草茅逐茲鳥雀去一惡樹一善不違先旨已沒九泉求仁得仁其誰敢怨但言與不言在我用與不用在時若國道方屯時不我與已忠獲罪已信見疑貝錦成章青蠅變色良田敗于

邪徑黃金鑠于眾口窮達運也其如命何吾子忠告之言敢不敬
承嘉惠然則僕之所懷未可一二爲俗人道也投筆而已夫復何
言

北史五十六又見文苑英華六百八十七有刪節

賜進士出身一品銜廣東等處提刑按察使司按察使兼管驛傳事務黃岡王毓藻校刊

全北齊文卷四終

全北齊文卷五

烏程嚴可均校輯

杜弼

弼字輔玄中山曲陽人小字輔國延昌中召軍功起家除廣武將軍恆州征虜府墨曹參軍孝昌初除太學博士授光州曲城令天平中除侍御史加前將軍太中大夫遷中軍將軍北豫州驃騎府司馬未之官監儀同竇泰軍泰敗左遷下灌鎮司馬元象初神武徵爲丞相府法曹參軍署記室轉大行臺郎中加鎮南將軍賜爵定陽縣男加通直散騎常侍中軍將軍帶并州驃騎府長史武定中遷衛尉卿文宣引爲兼長史加衛將軍轉中書令進爵定陽縣侯及受禪遷驃騎將軍衛尉卿別封長安縣伯坐事徙臨海鎮行海州事轉徐州刺史未之任除膠州刺史已忤旨被斬天統中追贈尚書右僕射揚州刺史武平初又贈

驃騎大將軍謚曰文肅

上老子道德經注表

臣聞乘風理弋，追逸羽于高雲；臨波命鉤，引沈鱗于大壑。苟得其道，爲工其事。在物旣爾，理亦固然。竊唯道德二經，闡明幽極，旨冥動寂，用周凡聖，綸行也清淨柔弱，語迹也成功致治。實眾流之江海，乃羣裁之本根。臣少覽經書，偏所篤好。雖從役軍府，而不捨遊息。鑽味旣久，斐亶如有所見。比之前注，微謂異于舊說。情發于中，而形諸外，輒曰管窺，遂成穿鑿。無取于遊刃，有慚于運斤。不足破秋毫之論，何曰解連環之結。本欲止于門內，貽厥童蒙。兼曰近資愚鄙，私備忘闕。不悟姑射凝神，汾陽流照。蓋高之聽卑，邇言在際。春末奉旨，猥蒙垂誨。令上所注老子，謹冒昧封呈，并序如別。北齊書杜

關西是國家勍敵若今受魏禪恐其稱義兵挾天子而東向王將

何呂待之

北齊書高
德政傳

遣張晉惠書

明侯淵儒碩學身負大才秉此公方來居諫職寒瘳如也諤諤如
也一昨承在胡司徒第當面折庭誼雖問難鋒至而應對響出宋
城之帶始繁魯門之析裁警終使羣后逡巡庶寮掛默雖不見用
于一時固已傳美于百代聞風快然敬裁此白

魏書張晉惠傳作
中山杜弼字之誤

也北史四十
六作杜弼

檄梁文

夫乾坤交泰明聖興作有冥運行之力俱盡變化之途抱識含靈
融然竝至呈形賦命混而同往所曰立功潛運至德旁通百姓日
用而不知萬國受賜而無迹豈徒鑿其耳目易其心慮悟曰風雲
一其文軌使夫日月之照不私雨露之施均洽運諸仁壽之域納

于福祿之林。自晉政多僻。金行淪蕩。中原作戰鬪之場。生民爲鳥獸之餌。則我皇魏握玄帝之圖。納水靈之祉。駕雲車而自北。策龍御曰圖南。政符上帝。援溺下土。怪物殛死。淫水不作。運神器于顧盼。定寶命于踟躕。恢之曰武功。振之曰文德。宇內反可封之俗。員首識堯舜之心。沙海荒忽之外。瀚漠羈縻之中。方志所不傳。荒經所不綴。莫不繩谷釣山。依風託水。共仰中國之聖。同欣大道之行。唯夫三吳百越。獨阻聲教。匪民之咎。責有由焉。自僞晉之後。劉蕭作慝。僭擅一隅。號令自己。惟我祖宗。馭宇愛民。重戰未極。謀臣之畫。不窮節將之兵。聊遣行人。降旨尺一。圓臺已築。黃屋輒去。賜其几杖。置之度外。請衍輕險。有素士操篋聞。睥睨君親。自少而長。好亂樂禍。惡直醜正。巧用其短。曰少爲多。眩惑愚淺。大言曰驚俗。驅扇邪僻。口兵曰作威。曲體脅肩。搖唇鼓舌。俟當朝之顧指。邀在位之餘論。遂汙辱冠帶。偷竊藩維。及寶卷昏狂。下不堪命。曾無北面。

有犯之節。遽滅人倫在三之禮。憑妖假怪。鬼語人言。稱兵指闕。傾
朝鳩主。陵虐孤寡。聾愚士民。天不悔禍。姦醜得志。內恣雕磨。外逞
殘賊。驅贏國之兵。逼糊口之眾。南出五嶺。北防九江。屯戍不解。役
無盛歲。死亡矢刃之下。夭折露霧之中。哭泣者無已。傷痍者不絕。
託身人上。忽下如草。遂使頑闇子弟。肆行姦虐。狡猾羣小。縱極貪
婪。剝割蒼生。肌肉略盡。劍剔黔首。骨髓俱罄。猛虎未方其害。餓狼
詎侔其禍。懔懔周餘。救死無地。至于矯情飾詐。事非一絡。毒螫滿
懷。妄敷戒業。躁競盈胷。謬治清淨。至乃大興寺塔。廣繕臺堂。昭陽
倒景。垂珠銜璧。崢嶸刻削。千門萬戶。鞭撻疲民。盡其筋骨。延壤運
石。悲歌掩途。死而可祈。甘同仙化。智淺謀疏。曾不自揆。過桐柏之
流。翻爲己害。子亡齊之肩。忽爲戎首。書契迄茲。罕聞其事。至于廢
捐冢嫡。崇樹愚子。朋黨路開。彼我側目。疾視扼腕。十室而九。翹走
有待。良亦多人。二紀于茲。王家多故。始則車馳之警。終有驚墜之

哀神祇痛憤寓縣崩震于是故相國齊獻武高王感天壤之慘黯
激雲雷曰慨然仗高義而率民奮大節曰成務爰有匡國定霸之
圖非直討賊雪恥之舉于是睿略紛紜靈武貫世澠滌連壁尊主
康邦皇上秉厯受圖天臨日鏡道隨玄運德與神行旣而元首懷
舞戚之風上宰薄兵車之會遂解繁南冠喻曰好陸舟車適邇川
陸光華亭徽相望欣然自泰反肉還童不待羊陸雖嘉謀長算爰
自我始罷戰息民兩獲其泰王者之信明如四時豈或爲人君父
二三其德書而不法可不惜哉侯景一介役夫出自凡賤身名淪
蔽無或可紀直曰趨馳便習見愛爾朱小人叨竊遂忝名位及中
興之際義旗四指元惡不赦實在羣胡景荷人成拔藉其股肱主
人有丹頸之期所天陷族滅之讐雖不能蔽捍左右曰命酬恩猶
當慘顏後至義形于色而趨利改圖速如覆手投手麾下甘爲僕
隸獻武王側棄其瑕穢錄其小誠得廁五命之末預在一隊之後

參跡驅馳庶其來效長鞭利鍔術已制之既關隴道誅每事經略
曰河南虛空之地非兵戰之衝薄存倚角聊示旗鼓豈資實效寄
曰遊聲軍機催勒蓋惟景任總兵統旅別有司存而愚徧有積憤
復遂其犯違軍紀仍自猜貳禍心潛構翻爲亂階負恩棄德罔恤
天討不義不昵厚而必顛委慈母如脫屣棄少弟如遺土羣子陸
陸妻姪成行慕姜兒之爽言蔑伯春之宛轉跳梁猖獗夫欲誰欺
比之梟獍異類同醜欲擬蛇鼠顧非其倫及遠託關右委命寇逆
寶炬定君臣之分黑獺結兄弟之親授以名器之尊救其重圍之
死憑人擊援假人鼻息俄而忘恩背惠親尋干戈釁暴惡盈側首
無託曰金陵逋逃之藪江南流禦之地甘辭卑體進熟圖身詭言
浮說抑可知矣叛豎救命豈將擇音僞朝大夫幸災忘義主毫于
上臣蔽于下逐崔去草曾不是圖竊寶叛邑椒蘭比好人而無禮
其能國乎夫安危有大勢成敗有恆兆不假離朱之目不藉子野

之聽聊陳刺心之說且吐伐謀之言今帝道休明皇猷允塞四民
樂業百靈效祉雖上相云亡而伊陟繼事秉文經武虎視龍驤驅
日下之俊雄收一世之英銳擊刺猶雷電合戰如風雨控弦躍馬
固敵是求蠕蠕昔遭離亂輻分瓦解匹馬孤征告困于我國家深
敦鄰附愍其入懷盡憂人之禮極繼絕之義保衛出于故地資給
唯其多少存其已亡之業成其莫大之基深仁厚德縷其骨髓引
傾思報義如手足吐谷渾深執忠孝膠漆不渝萬里仰德奏款屬
路竝申已婚好行禮如歸蠕蠕境斜界黃河望通幽夏飛雪千里
曾冰洞積北風轉勁實筋骨之時近寒方猛正氍裘之利吐谷渾
疾彼凶逆疆兵歲舉傾河及鄴塵通隴峽驅龍池之種藉常勝之
氣二方候隙企其移種加已孤獨如願擁眾秦中治兵劫懽黑獺
北備西擬內營心腹救首救尾疲于奔命豈暇稱兵東指出師函
谷且秋風揚塵國有恆防關河形勝之際山川襟帶之所猛將精

兵基峙岳立。又竄炬河陰之北。黑棚邨山之走。假無一旅。僅已身歸。就其不顧根本。輕懷進趣。斯則一勞永逸。天贊我也。言之旦旦。日月經天。舉世所知。義非徒語。持此量之。理有可見。則侯景遊離。莫非虛誕。夫景繩樞席牖之子。阡陌鄙俚之夫。遭風塵之會。逢馳騫之日。遂位此三吏。邑啟千社。揣身量分。久當止足。而乃周章去就。離跂不已。夫豈徒爾。事可摧傷。度其眾叛親離。守死不暇。乃聞將棄懸弧。遠赴彭城。老賊姦謀。復將作矣。固揚聲赴助。計在圖襲。吞淵明之眾。招厭虐之民。舉長淮已爲斷。仍鳴張歲月。南而假名死。而後已。此蓋蜂蟻之禍。我乘其弊。且僞主昏悖。不惟善鄰。賊忍之心。老而彌篤。納逋叛之誑謫。蔑信義已猖狂。天喪其神。人重其怨。將踐瓜圃之蹤。且追兒侯之轍。今徵發犬羊。侵軼徐郢。築壘擁川。覬覦小利。此而可忍。孰不可懷。兵凶戰危。出不得已。謬奉朝規。肅茲九伐。扛鼎拔樹之眾。超乘投石之旅。練甲爭途。波聚霧合。虎

班龍文之逸、蘭池蒲梢之驅、噓天陸野、躡影追風、振旅南轅、長驅
討賊、非直三吳鼠面、一麾魚駭、乘此而往、青蓋將歸、且衍虐網、蚩
蚩、兵權在外、恃險躁之風俗、兼輕薄之子孫、蕭倫凶狡之魁、豈無
商臣之恨、肅摯失志之憤、當召專諸之客、外崩中潰、今也其時、慕
府師行、曰禮、兵動曰義、弔民伐罪、理有存焉、其有知機審變、翻然
躍起、立功立事、去危就安、賞典未忘、事必加等、若軍威所至、敢有
拒違、尺兇已上、咸從梟戮、今三禮四義之將、豹虎熊羆之士、深衛
通僞、信納叛亡、違卜悞諫、實興伐役、莫不含怒作色、如赴私讎、茹
肝涉血、義不旋踵、攻戰之日、事若有神、莽積麻亂、匪旦伊夕、曰彼
匪師危卒、望我軍鋒、何異蛄蜥披甲、螭蛆舉尾、正恐旗鼓一接、芝
藟俱摧、先事喻懷、備知翰墨、王侯無種、禍福由人、斯蓋丈夫肉食
之秋、壯士封侯之會、冬冰可折、時不再來、凡百君子、勉求多福、檄
之所到、咸共申省、知我國行師之意、

文苑英華六百四十五
案此檄出魏書蕭衍傳

觀夫辰象麗天山岳鎮地方曰類聚物曰羣分建之曰邦國樹之

曰君長日月于是莫二宇宙

茲文類聚作帝王

所曰總一雖五運相推百

王革命此道之行孰之能改

茲文類聚作此道所行孰云能易

而皇家承統通鑑作垂統

光配彼天義治幽明化周勳植崇文德曰來遠修禮讓曰止訟舞

干戚于兩階執玉帛于萬國玄功潛運至德旁通百姓日用而不

知兆民受賜而無迹唯彼吳越獨阻聲教匪民之咎責有由焉而

元首懷止戈之心上宰薄兵車之會遂解繫南冠喻曰好睦舟車

遵泝川陸同光亭微息奔走之勞屯戍無逼卒之變雖嘉謨長算

爰自我始而罷兵息民彼獲其利侯景豎子本無事業

茲文類聚作上業

乃枉道于人閒遂乾沒于世上鳴吠于爾朱之門鎮守于普泰之

日曾無為主之識詎有挈瓶之智既而投命義旗歸身幕府殊異

雍齒有類丁公時逢寬政得免大戮棄其瑕滓收其力用預在行

伍參跡驅馳及秦隴逋誅每事經略曰河南是空虛之地漢陽非

兵戰之衝，薄存倚角，聊示旗鼓，豈資實效？寄已遊聲，軍機催勒，蓋

維景任，總兵統旅，則有司存，而恩福有積，驕憤遂甚，屢犯軍紀，自

生疑貳。

通鑑作猜貳

禍心潛構，翻成亂階，負恩棄德，罔恤天討，不義不

昵，厚而必顛，委慈母伯脫履，棄寵弟如遺芥，龍鍾稚子，痛苦成行，

變彼諸姬，破亡爲伍，滅伯春之婉轉，慕姜兒之爽言，不與狼虎同

仁，而共豺狸等惡，及遠託關隴，依憑姦異，逆主定君臣之分，賊臣

結兄弟之親，解其倒懸，仰人鼻息，一日

通鑑作豈日

無恩，終成難養，俄

而易慮，躬擐

通鑑作親率

干戈，毀暴惡盈，側首無託，已金陵遁逃之賊

江南流禦

蘇文類聚作流寓

之地，甘辭卑體，進熟圖身，讒言

通鑑作讒言

浮說，抑可知矣。叛豎投命，豈將擇音，而僞朝大小，幸災忘義，主荒

于上，臣蔽于下，逐雀去草，曾不是圖，竊寶叛邑，椒蘭比好，人而無

禮，其能國乎？亦既失信，不亡何待？今帝道休明，皇猷允塞，四民樂

業，百靈效祉，故丞相材標國棟，道潤時雨，義冠伊霍，勳蓋桓文，大

君立德世功世祿作民舟楫爲國棟梁內外齊心上下同德蛟騰
虎嘯風生雲起麾日則車懸轉舍排山則龍門洞開吞雲夢于曾
中運天下于掌內雖有賊臣去國亡卒出境何異一毛之落牛體
雙鳬之飛海曲並文類聚作海濱彼既連結姦惡斷絕鄰好追兵並文類聚作
保境縱盜侵國蓋物無定方事無常勢並文類聚作定勢或乘利而受害或
因得而更失是已吳侵齊境遂致並文類聚作遂得句踐之師趙納韓地終
有長平之役矧乃鞭撻疲民侵軼徐郢築壘擁川舍信並文類聚作捨舟邊
利此而可忍孰不可懷是已援枹秉麾之將投石拔距之士深銜
僞主信納亡叛含怒作色如赴私讎意存涉血義不旋踵攻戰之
利實若有神並文類聚作被字連營聚眾依山傍水舉螳螂之斧被蜚蜚之
甲當窮轍已待輪坐積薪而候燎及其鋒刃暫援埃塵且接便已
亡戟棄戈土崩瓦解貞陽已從子之親爲並文類聚作敵爲作當戎首之任
非獨力屈道窮亦將無路還蜀兼亦並文類聚作兼復挾子垂翅俱在籠

樊將士曰昧禍之心為助亂之事皆指舟中披甲通鑑作鼓下

同宗異姓縲繼相望曲直既殊強弱不等父出子孤自取其敗違

上懷諫何已辭責雖復貪利苟得背同即異獲一人而失一國見

黃雀而忘深井通鑑作食鉤吻曰療飢飲鴆毒曰救渴智者所不

為仁者所不向誠既往之難逮猶將來之可追景攷文類聚通鑑曰

鄙俚之夫遭風雲之會位登通鑑三事已啟萬家揣身量分久當

止足而周章向背離披不已夫豈徒然意亦可見彼乃示通鑑之

曰利器誨之曰慢藏使其勢得容茲令其時地乘便既通鑑今

南風不競天亡有徵老賊奸謀將復作矣然則摧堅彊者難為功

拉通鑑枯朽者易為力計其攷文類聚雖非孫吳猛將燕趙精兵

猶是久涉行陳會習軍旅豈同輕剽之師不比危脆之眾距此則

作氣不足攻彼則為勢有餘恐尾大于身蹕蹕于股偃彊不掉狼

戾難馴呼之則反速而燄小不徵則叛遲而禍大會應遙望延尉

不肯爲臣。自據淮南。亦欲稱帝。但恐楚國亡後。禍延林木。城門失

火。殃及池魚。橫使江淮士子。荆揚人物。死亡矢石之下。天折露霧

之中。彼梁主通鑑有操行無聞。輕險有素。工用其短。曰少爲多。反

覆山淵。顛倒冠履。射爵論功。盪舟稱力。年旣老矣。耄又及之。政散

民流。禮崩樂壞。改換朝章。變易官品。雖勢異漢朝。而事同新室。加呂

用捨乖方。立廢失所。矯情動眾。飾智驚愚。毒螫滿懷。妄敦成業。躁

競盈貫。謬治清淨。內恣鴟靡。外逞殘賊。人人厭苦。家家思亂。災異

降于上。怨譴興于下。履霜有漸。堅冰且至。藝文類聚作將通鑑作傳浮躁之

風俗。任輕薄之子孫。朋黨路開。兵權在外。必將禍生骨肉。難起腹

心。彊弩衝城。長戟通鑑作長戈指闕。徒探雀段。無收府藏之虛。空請能

蹤。詎延晷刻之命。外崩中潰。今實其時。鵠蚌相持。我乘其弊。方使

高旗舒旆。長轂啟行。迅騁通鑑作駿騁追風。精甲耀日。四七竝列。百萬

爲羣。風飄雲動。星羅海運。曰此赴敵。何敵不摧。曰此攻城。何城不

陷猶爲岸上之虎當作水中之龍曰轉石之形爲破竹之勢將使

鍾山渡江青蓋入洛荆棘生藝文類聚通鑑有子字下句亦有建業之宮麋鹿遊

姑蘇之館但恐兵車藝文類聚通鑑作革車之所輻輳劍騎之所蹂踐杞梓

藝文類聚作倚梓于焉傾折竹箭曰此摧殘若吳之王孫蜀之公子順時

曰動見機而作面縛銜璧肉袒牽羊歸款軍門委命下吏當使焚

櫬而出拂席相待必曰楚材將藝文類聚待作侯將作終爲晉用固乃喜得異

度實自利獲士衡卽授客卿之秩特加驃騎之號斯蓋壯士封侯

之日丈夫立節之秋冬冰可折時不再來先事預懷有如皎日王

侯無種工拙在人凡百君子勉求多福若不改迷坐待淪沒一旦

暴骨草莽流血成川猶且不噬噓臍何及故宣往意馳此簡書檄

之到彼咸共申省文苑英華六百四十五同前又見通鑑一百六

類聚五十人作魏收讀此檄魏

收潤色之曾編入魏集邪疑誤也

與郗邵議生滅論

邵曰爲人死還生恐是爲蛇畫足。荆芥曰蓋謂人死歸無非有能生之力。然物之未生亦本無也。無而能有不曰爲疑。因前生後何獨致怪。邵云聖人設教本由勸獎。故懼曰將來望各遂其性。獨曰聖人合德天地齊信四時言則爲經行則爲法。曰虛示物。曰詭勸民將同魚腹之書有異。盤楹之誥安能使北辰降光。謂龍宮韞牘就如所論福果可曰鎔鑄性靈弘獎風教爲益之大莫極于斯。此則真教何爲非實。邵云死之言漸精神盡也。荆曰此所言漸如射箭盡手中盡也。小雅曰無草不死月令又云靡草死動植雖殊亦此之類無情之草當春還生含靈之物何妨再造。若云草死猶有種在則復人死亦有識識種不見謂曰爲無者神之在形亦非目矚離朱之明所不能覩。雖蔣濟觀眸賢愚可察鍾生聽曲山水呈狀乃神之工。豈神之質猶玉帛之非禮鍾鼓之非樂。曰此而推義斯見矣。邵云季札言無不之亦言散盡若復聚而爲物不得言無。

不之也。彌曰：骨肉下歸于土，魂氣則無不之。此乃形墜，魂遊往而
非盡。如鳥出巢，如蛇出穴，由其尚有，故云無所不之。若令全無之，
將焉適？延陵有察微之識，知其不隨于形。仲尼發習禮之歎，美其
神與形別。若許已靡然，然則人皆季子，不謂高論。執此爲無，邠云
神之在人，猶光之在燭。燭盡則光窮，人死則神滅。彌曰：舊學前儒，
每有斯語，羣疑眾惑，咸由此起。蓋辨之者未精，思之者不篤。竊有
未見，可已。爰諸燭，則因質生光，質大光亦大。人則神不係于形，神
小形豈小？故仲尼之智，必不短于長狄。孟德之雄，乃遠奇于崔珍。
神之于形，亦猶君之有國。國實君之所統，君非國之所生。不與同
生，孰云俱滅？邠云捨此適彼，生生恆在。周孔自應同莊周之鼓缶，
和桑扈之循歌。彌曰：共陰而息，尚有將別之悲。窮轍已遊，亦興中
途之歎。況乎聯體同氣，化爲異物，稱情之服，何害于聖？邠云鷹化
爲鳩，鼠變爲鴽，黃母爲鼯，皆是有生之類也。類化而相之，猶光去

此燭復然于彼燭。彌曰：腐木化為鳩，鳩則非有為；鼠木化為鼠，則
已無論相之，乃侶竝對之稱。既非米化為鼠，曰下十八，二有何可
兩立？光去此燭，得然彼燭，神去此形，亦託彼形。又何惑哉？邢云：欲
使土化為人，木生眼鼻，造化神明，不應如此。彌曰：腐草為螢，老木
為蠹，造化不能，誰其然也？其後別與邢書云：夫建言明理，宜出典
證，而違孔背釋，獨為君子。若不師聖，物各有心，馬首欲東，誰其能
禦？奚取于適夏，何貴于得一？逸韻雖高，管見未論。前後往復再三，
邢邵理屈而止。北齊書杜弼傳：文苑英華七百五十八又略見北史五十五

賜進士出身三品銜廣東等處提刑按察使司按察使兼管糧儲事裕山岡王毓藻校刊

全北齊文卷五終

全北齊文卷六

烏程嚴可均校輯

宋遊道

遊道廣平人仕魏爲廣陽王深鎧曹遷殿中侍御史孝莊卽位除左中兵郎解職除司州中從事拜尚書左丞免孝武時爲通直散騎常侍後爲文襄大行臺吏部太原公開府諮議領平陽公中尉治書侍御史尋兼司徒左長史除御史中尉文宣受禪進兼太府卿卒贈瓜州刺史武平中加贈儀同三司諡曰貞惠詣闕上書乞解郎中

徐州刺史元孚頻有表云僞梁廣發士卒來圍彭城乞增羽林二千呂孚宗室重臣告請應實所已量奏給武官千人孚今代下呂路阻自防遂納在防羽林八百人辭云疆境無事乞將還家臣忝局司深知不可尚書令臨淮王彧卽孚之兄子遣省事謝遠三日

之中八度逼迫云宜依判誑臣不敢附下罔上孤負聖明但孚身在任乞師相繼及其代下便請放還進退爲身無憂國之意所請不合其罪下科或乃召臣于尚書都堂云卿一小郎憂國之心豈厚于我醜罵溢口不顧朝章右僕射臣世隆吏部郎中臣辭璠已下百餘人竝皆聞見臣實獻直言云忠臣奉國事在其心亦復何簡貴賤比自北海人浴王不能致身死難方清宮已迎暴賊鄭先護立義廣州王復建旗往討趨惡如流伐善何速今得冠冕百寮乃欲爲私害政爲臣此言或賜怒更甚臣既不佞干犯貴臣乞解郎中

北齊書宋遊道傳孝莊卽位除左兵中郎又爲尚書令臨淮王彧譴責遊道乃執版長揖卽日詣闕上書

上書理李獎

臣聞賞善罰惡謂之二機有道存焉所貴不濫是已子胥無罪吳人痛之郤宛不幸國言未息故河南尹李獎門居臥里世擅名家有此良才是兼周用自少及長忠孝爲心入朝出牧清明流譽

懷放曠風神爽發竇廊廟之瑚璉社稷之頑幹往歲北海竊據負
展當朝王公卿士俛首從事而獎閭門百口同居京洛旣被羈繫
自拔無由託使東南情存避難當時物論謂其得所然北海未敗
之日徐州刺史元孚爲其純臣莫之敢距表啟相望遲速唯命及
皇輿返正神器斯復輕薄之徒共生僥倖詭言要賞曲道求通濫
及善人稱爲己力若曰獎受命賊朝語跡成罪便與天下共當此
責于時朝旨唯命免官亦旣經恩方知酷濫伊昔具臣比肩賊所
身臨河上日尋干戈時逢寬政任遇不改一介使人獨嬰斯戮凡
在有心孰不嗟悼前朝所已論功者見其邊人且相慰悅其猶郭
默生亂劉盾懸首事乃權宜蓋非實錄昔鄧艾下世段灼理其冤
馬援物故朱勃申其屈臣雖小人趣事君子有懷舊恩義兼人故
見其若此久欲陳辭含言未吐遂至今日幽泉已閉並樹成行內
手捫心顧懷愧慨幸逢興聖理運唯新雖曰纂戎事同創革頻有

大恩被于率土亡官失爵者悉蒙追復而獎雜木猶存牛車未改士感知己懷此無忘輕率瞽言干犯輶轂伏願天鑒賜垂矜寬加其貽秩慰此幽魂

魏書李平附傳平長子獎孝莊初為河南尹元城人不承顯旨害獎傳首洛陽出帝時獎故吏通直散騎常侍宋遊道上書理獎詔贈衛將軍冀州刺史

密啟李子貞事狀

子貞元康交遊恐其別有請囑

北齊書宋遊道傳兖州刺史李子貞在州貪暴遊道按之文襄召貞

預建義勳意將含忍游道疑陳元康為其內助密啟云云

辭取

琬字曇珍代人徙居河南本姓叱干氏少仕宣武為典客令正光中除洛陽令累遷吏部郎中永安中為元天穆行臺尚書行西兗州事天平初拜七兵尚書神武引為丞相府長史轉殷州刺史歷度支殿中二尚書齊受禪為尚書右僕射卒贈開府儀同三司尚書左僕射青州刺史諡曰威恭

上書論停年格

臣聞錦穀雖輕、不委之曰學割、瑚璉任重、豈寄之曰弱力、若使選曹唯取年勞、不簡賢否、使義均行、歷次若貫魚、勘簿呼名、一吏足矣、數人而用、何謂銓衡、今黎元之命、繫于守長、若其得人、則蘇息有地、任非其器、爲患更深、請郡縣之職、吏部先盡擇才、務取廉平、淳直、素行有聞、竝學通古今、曉達治體者、北史作政職者通典作理體者皆避唐諱追改曰應其選、不拘入職遠近、年勳多少、其積勞之中、有才可堪牧人者、自在先用之限、其餘不堪者、既壯藉其力、豈容老而棄之、將佐丞尉、去人稍遠、小小當否、未爲多失、宜依次補敘、曰酬其勞、北史二遷吏部郎中、先是吏部尚書崔亮奏立停年格、不簡人才、專問勞舊、取乃上書云云、書奏不報、又通典十六略見北齊書薛琠傳

復陳請令大臣薦賢

共治天下、本屬百官、是曰漢朝、常令三公大臣、舉賢良方正有道、直言極諫之士、曰爲長吏、監撫黎元、自晉末已來、此風遂替、今四

方初定務在養民臣請依漢氏更立四科令三公貴臣

通典北史作三公宰

各薦時賢已補郡縣明立條格防其阿黨之端庶令塗炭之餘

戴仰有地

北齊書薛琠傳通典十六北史二十五

討邢杲議

邢杲聚眾無名雖疆猶賊元顥皇室昵親來稱義舉此恐難測自

河陰之役人情駭怨今有際會易生感動待顥事決然後迴師杲

鼠盜狗竊非有遠志宜先討顥

北齊書薛琠傳北史二十五

才柔

柔字子溫勃海饒安人魏特進雍孫初爲宣武挽郎解褐司空

行參軍永安中除中堅將軍奉車都尉加冠軍將軍中散大夫

元象中神武已爲永安公府長流參軍文宣受禪除國子博士

中書舍人與魏收同撰魏書

嫡子孫承襲議

時議者已爲立五等爵也。承襲者無嫡子立嫡孫。無嫡孫立嫡子。弟無嫡子弟立嫡子孫弟。柔曰爲無嫡孫立嫡曾孫。不應立嫡子弟。議曰柔柔禮立嫡已長。故謂長子爲嫡子。嫡子死曰嫡子之子爲嫡孫。死則曾玄亦然。然則嫡子之名本爲傳重。故喪服曰庶子不爲昆子三年。不繼祖與禰也。禮記公儀仲子之喪。檀弓曰何居我未之前聞。仲子舍其孫而立其弟何也。子服伯子曰仲子亦猶行古人之道也。昔者文王舍伯邑考而立武王發。微子舍其孫盾而立弟衍。仲子亦猶行古之道。鄭注曰仲子爲親者諱耳。立子非也。文王之立武王權也。微子嫡子死立其弟衍殷禮也。子游問諸孔子。孔子曰不立孫。注曰據周禮。然則商曰嫡子死立嫡子之母弟。周曰嫡子死立嫡子之子爲嫡孫。故春秋公羊之義嫡子有孫而死。質家親親先立弟。文家尊尊先立孫。喪服云爲父後者出母無服。小記云祖父卒而後爲祖母後者三年。爲出母無服者喪者。

不祭故也。爲祖母三年者，大宗傳重故也。今議曰：嫡子孫死而立嫡子母弟，嫡子母弟者，則爲父後矣。嫡子母弟，本非承嫡，已無嫡，故得爲父後。則嫡孫之弟，理亦應得爲父後。則是父卒然後爲祖後者，服斬。既得爲祖服斬，而不得傳重者，未之聞也。若用商家親之義，本不應嫡子死而立嫡子孫。若從周家尊尊之文，豈宜舍其孫而立其弟？或文或質，愚用惑焉。小記復云：嫡婦不爲舅後者，則姑爲之小功。注云：謂夫有廢疾，他故若死無子，不受重者。小功，庶婦之服。凡父母于子舅姑于婦，將不傳重于嫡及將所傳重者，非嫡服之，皆如眾子庶婦也。言死無子者，謂絕世無子，非謂無嫡子。如其有子焉，得云無後。夫雖廢疾無子，婦猶曰嫡爲名。嫡名既在，而欲廢其子者，其如禮何？禮有損益，代相沿革，必謂宗嫡可得而變者，則爲後服斬，亦宜有因而改。

北齊書
不柔傳

張保洛

保洛代人初從葛榮爲領左右榮敗爲尔朱榮統軍累遷揚烈將軍奉車都尉後隸神武爲都督帳內遷右將軍中散大夫除平南將軍光祿大夫加安東將軍封昌平縣薄家城鄉男元象初除西夏州刺史當州大都督封山女武縣伯轉行蔚州刺史鎮晉州文襄嗣事自爲左廂大都督加征西將軍除梁州刺史文宣受禪仍爲刺史廢帝初除滄州刺史封敷城郡王坐聚斂免官奪爵及卒追復本封

造像碑

大魏武定七年十二月八日前使持節都督夏蔚二州諸軍事衛將軍夏蔚二州刺史當州大都督安武縣開國伯又征西大將軍儀同三司行管州事東雍州鎮城安武縣開國侯張保洛前使持節都督東荊州諸軍事征西將軍東荊州刺史當州大都督東雍州鎮城永寧子劉襲假節督東雍州諸軍事新除右將軍東雍州刺

史當州都督安惠子，辟光熾等，敬造石碑像，四佛四菩薩，藉此微功，仰願先王、妻、太妃、大將軍、令公、兄弟等亡者昇天，託生西方，无量壽佛國，現在眷屬，四大康和，輔相魏朝，永隆不絕，復願所生父母，乃及七世，皆生佛土，體解至道，言至妻子，無病延年，長享福祿，在在處處，遇善知識，又使兵鉞不興，關隴自平，普天豐樂，災害不起，乃至一切有形眾生，蠢動之類，皆發菩提道心，一時成佛。碑拓本

裴獻伯

獻伯，河東聞喜人，魏益州刺史宣第三子，仕魏爲尚書郎，入齊遷廷尉卿，除濟州刺史，終殿中尚書。

移御史中尉

案蔡氏漢儀，御史中尉逢臺郎于複道，中尉下避執版，郎中車中舉手禮之，曰：「此而言明非敵體。」通典二

李繪

繪字敬文趙郡平棘人仕魏歷中書侍郎丞相司馬武定初爲高陽內史文襄統事徵補大將軍從事中郎遷司馬文宣嗣事仍爲丞相司馬齊受禪除司徒右長史卒贈南青州刺史諡曰景

案北齊書李繪傳誤入高隆之事三百二十五字無從校正今從北史

答崔謚書

鵠北史有六翮飛則冲天而宋有四足走便入海下官膚體疏嬾手足遲鈍不能逐飛追走北史又作不能遠事佞人北齊書李繪傳又見北史三十三

李襲

襲字季節繪族子爲文襄大將軍府行參軍除殿中侍御史後爲太子舍人坐事免卒于并州功曹參軍

達生丈人集序

達生丈人者生于戰國之世爵里姓名無聞焉爾時人揆其行己彊爲之號頗好屬文成輒棄稿常持論文云古人有言性情生于

慾又曰人之性靜慾實汨之然則性也者所受于天神識是也故爲形骸之主情也者所受于性嗜欲是也故爲形骸之役由此言之性情之辯斷然殊異故其身泰則均齊死生塵垢名利縱酒恣色所曰養情否則屏除愛著擯落支體收視反聽所曰養識是曰遇榮樂而無染遭厄窮而不悶或出入閒或栖物表逍遙寄託莫知所終

北史三十三
李公緒附傳

穆子容

子容字山行代人魏司空亮從子歷通直散騎常侍平東將軍中書侍郎恆州大中正汲郡太守齊受禪入爲司農少卿卒于司農卿

太公呂望表

太公姓呂名望號曰尚父尚氏之興元出姜氏公望曰輔翼流詠子平曰礪素致謠卯金握麻冠蓋鱗次典午統宇軒冕波屬或秉

文入朝或用武出討、儒默交映、勳庸相趨、大魏東苞碣石、西跨流沙、南極班超之柱、北窮竇憲之誌、高祖孝文皇帝、龍飛代郡、鳳翔嵩邑、澄清人士、品藻第望、尚氏合宗、選見禮懼、九等舊制、不失彝序、方知賢聖之門、道風必復、功德之後、學識遐昌、太公肩孫尚口、尚天寶、尚子牧、尚子休、尚方顯、尚景口、尚遵明、尚裴香、尚顯敬、尚迴歸、尚口樂、尚漢廣、尚崇等、器業優洽、文義淹潤、慨忌置碑、僻據山阜、崔瑗列石、不枕康衢、遂率親黨、更營碑祠、曰博望之亭、形勝之所、西臨滄谷、東帶汾川、周秦故道、燕趙舊路、構宮鐫石、口當平顯、庶使文範之猗、不獨百城、有道之美、詎假千石、凡斯盛事、理切含蒙、余已虛薄、口參郡任、民情和口、口託爲文、率爾彈翰、棄辭收理、其詞粵

迢迢岳嶺、蔚蔚姜枝、積德不已、繼踵方義、發將允執、紂遂冒披、託口口口、卽貍非熊、功著牧野、口自幽岐、既伸惟惺、仍秉鉅麾、佐命

周室開邑齊土北控趙燕南臨口口一匡九合懸車東馬位極三
事動高萬古葬切晉溫魂悲漢祖忻哉尚聖遺魂可怖言歸故鄉
降神巫呪口口口口室望岫庭栽異木井依餘燄育鰲競奉歌
鍾迭奏風雨節宣華夷用富恩被系千慶傳曾曹通直散騎常侍
聘梁使平東將軍中書侍郎恆州大中正脩左使汲郡太守穆子
谷山行之文大魏武定八年四月庚辰朔十二日辛卯建造佛指
本前
半刻晉盧无忌文已編
入全晉文此不重錄

陸士佩

士佩武定末為東郡太守入齊未詳

遺陽斐書

當諮大將軍呂足下為匠者北齊書陽斐傳東郡太守陸士佩呂
黎陽縣河形勝欲因山即壑曰為公

家苑圖
遺斐書

陽斐

斐字叔鸞，北平漁陽人。一云無終人。魏前軍將軍固從兄子。孝
莊時，召功賜爵方城伯，歷侍御史，兼都官郎中、廣平王開府中
郎、典和中，除起部郎中，兼通直散騎常侍，使梁、遼，除廷尉少卿。
轉尚書右丞，齊受禪，除鎮南將軍、尚書吏部郎中，免。除都水使
者，監築長城，行南譙州事，加通直散騎常侍。壽陽道行臺左丞
遷散騎常侍，除徐州刺史，帶東南道行臺左丞。乾明初，徵拜廷
尉卿，遷衛大將軍，兼都官尚書，行太子少傅，徙殿中尚書，監瀛
州事，拜儀同三司，卒。贈驃騎大將軍、中書監、北豫州刺史。諡曰
敬簡。

荅陸士佩書

當今殷憂啟聖，運遭昌祚，故大丞相天啟霸功，再造太極，大將軍
光承先構，嗣續丕顯，國步始康，民勞未息，誠宜輕徭薄賦，勤恤民
隱，詩不云乎：民亦勞止，迄可小康。惠此中國，以綏四方。古之帝王

亦有表山刊樹未足盡其意下輦成宴詎能窮其情正足曰靡天地之財用劉生民之髓腦是故孔子對葉公曰來遠酬哀公曰臨民所問雖同所急異務故也相如壯上林之觀揚雄騁羽獵之辭雖係曰隤牆填塹亂已收宜落網而言無補于風規祇足昭其愆戾也

北齊書
陽斐傳

宋軌

軌天保中爲都官郎中

奏罷守宰設棒

昔曹操懸棒威于亂時今施之太平未見其可若受使請欺猶致大戮身爲枉法何已加罪

隋書刑法志文宣令守宰各設棒曰誅是罷之

張老

老天保中爲司徒功曹

上書請改律令

大齊受命已來律令未改非所已創制垂法革人視聽

隋書刑志

封子繪

子繪字仲藻渤海蓆人魏尚書右僕射隆之次子小名搔爲神武開府主簿隨府轉丞相主簿加伏波將軍除通直常侍左將軍領中書舍人加征南將軍金紫光祿大夫孝靜初兼給事黃門侍郎除衛將軍平陽太守加散騎常侍徵補大行臺吏部郎中文襄統事曰爲渤海太守加驃騎將軍天保初除大尉長史歷海州合州鄭州刺史徵爲司徒左長史乾明初轉大司農除魏尹皇建中加驃騎大將軍太監中遷都官尚書加儀同三司歷七兵尚書轉祠部尚書河清三年卒贈尚書右僕射諡曰簡渾關進止議

賊帥才非人雄偷竊名號遂敢驅率亡叛迭死伊瀍天道禍淫一

朝氏解雖僅已身免而魂膽俱喪混一車書正在今日天與不取反得其咎時難遇而易失昔魏祖之平漢中不乘勝而取巴蜀失在遲疑悔無及已伏願大王不曰爲疑北齊書封隆之傳武定元年高仲密曰武平西叛周文帝懷柔東使高祖于邳山破之乘勝長驅遂至潼關命羣僚議其進止子繪言

辛術

術字懷哲隴西狄道人魏左光祿大夫雄族叔初爲司空曹參軍及遷鄴爲起部郎再遷尚書右丞出爲清河太守授并州長史文襄嗣事累遷散騎常侍武定末除東南道行臺尚書封江夏縣男遷東徐州刺史爲淮南經略齊受禪移鎮廣陵徵爲殿中尚書領太常卿遷吏部尚書天保十年卒皇建二年贈開府儀同三司中書監青州刺史

奏鄴都營構宜訪詢李業興

今皇居徙御百度創始營構一興必宜申制上則憲章前代下則

模寫洛京今鄴都雖舊其址毀滅又圖記參差事宜審定臣雖曰職司學不稽古國家大事非敢專之通直散騎常侍李業興碩學通儒博聞多識萬門千戶所宜訪詢今求就之披圖案記攷定是非參古雜今折中爲制召畫工并所須調度具造新圖由奏取定庶經始之日執事無疑

魏書李業興傳

崔瞻

瞻字彥通清河東武城人魏尚書休孫初署郡主簿歷清河公岳西閣祭酒除御史神武文襄相府中兵參軍轉主簿天保初兼吏部郎中皇建初除給事黃門侍郎加征虜將軍除清河邑中正武成卽位除太子中庶子太監初除衛尉少卿尋兼散騎常侍聘陳還除太常少卿加冠軍將軍轉尚書吏部郎中免天統末加驃騎大將軍就拜銀青光祿大夫武平三年卒贈大理卿諡曰文

遺李襲書

伏氣使酒我之常弊詆訶指切在卿尤甚足下告歸吾子何聞過也

北齊書崔襲傳與趙郡李襲爲莫逆之交襲將東還贈遺之書

崔昂

昂字懷遠博陵安平人魏光州刺史挺孫天平末文襄引爲記室參軍隨府遷長史歷司徒右長史尚書左丞兼度支尚書樞密官尚書兼太府卿齊受禪遷散騎常侍兼大司農卿封華陽縣男轉廷尉右僕射文宣崩後除儀同三司光祿勳皇建初轉太常河清初兼御史中丞坐事除名復爲五兵尚書遷祠部天統元年卒贈趙州刺史

上書極言得失

屯田之設其來尚矣曹魏破蜀業已興師馬晉平吳兵因取給朝廷項已懷洛兩邑鄰接邊境薄屯豐饒糧儲已贍準此而論絕饑

非遠其幽安二州控帶奚賊踰蠕徐揚充豫連接吳越疆鄰實藉轉輸之資常勞私糴之費諸道別遣使營之每攷其勤惰則人加勸勵倉廩充實供軍濟國實謂在茲其次法獄之重人命所懸頃者官司糾察多不審練乃聞緣淺入深未有雪大爲小咸已畏避嫌疑共相殘刻其如錢絹粟麥其狀難分徑指爲贓罪從此定乞勸羣司務存獲實如此則有息將來必無枉濫

北史三十二武定中
文襄普令內外

極言得失
昂上書

齊獻武王廟制議

案禮諸侯五廟太祖及親廟四今獻武王始封之君便是太祖既通親廟不容立五室且帝王親廟亦不過四今立四室二閒兩頭各一頰室夏頭徘徊鵬尾又案禮圖諸侯止開南門而二王後祔祭儀法通典作儀注云執事列于廟東門之外既有東門明非一門獻武禮數既隆備物殊等準據今廟宜開四門內院南面開三門餘面

及外院四面皆一門其內院牆四面皆架爲步廊南出夾門各置一屋曰置禮器及祭服內外門牆並用楮聖廟東門道南置齋坊道北置二坊西爲典祠廨並廚宰東爲廟長廨并置東轅其北爲養犧牲之所

魏書禮志二武定六年二月將營齊獻武王廟議定室數形制兼度支尚書崔昂及盧元明王元景裴獻伯李渾陸操李壽陽休之鄭伯猷崔劼邢峙宗惠張張疏高元壽王顯季等議又見通典四十八

崔季舒

季舒字叔正昂族人爲州主簿神武引爲大行臺都官郎中文襄輔政轉大將軍中兵參軍擢拜中書侍郎轉黃門侍郎齊受禪曰爲將作大匠遷侍中兼尚書左僕射儀同三司乾明初曰母喪去職起爲光祿勳兼中兵尚書出爲齊州刺史太監初拜度支尚書開府儀同三司出爲西兗州刺史免武平中除膠州刺史遷侍中開府加左光祿大夫特進曰諫被斬周滅齊追贈開府儀同大將軍定州刺史

與張雕議諫幸晉陽

壽春被圍大軍出拒信使往還須稟節度兼道路小人或相驚恐云大駕向并畏避南寇若不啟諫必動人情

北齊書崔季舒傳

張雕

雕中山北平人魏末起家珍寇將軍遷太尉長流參軍定州主簿除常山府長流參軍天保中爲永安王府參軍兼祠部郎中乾明初除國子博士遷平原太守武成卽位除通直散騎侍郎琅邪王儼博士尋爲涇州刺史拜散騎常侍侍讀加國子祭酒假儀同三司待詔文林館除侍中加開府後曰諫幸晉陽與崔季舒等俱誅死

臨刑對詰

臣起自諸生謬被抽擢接事累世常蒙恩遇位至開府侍中光寵隆洽每思塵露微益山海今者之諫臣實首謀意善形惡無所逃

死伏願陛下珍愛金玉開發神明數引賈誼之倫論說治道令聽覽之間無所擁蔽則臣雖死之日猶生之年

北齊書張暉傳暉與崔季舒等諫幸晉陽

職刑帝令段孝言詰之暉對

王紘

紘字師羅太安狄那人也興和中爲庫直除奉朝請武定末賜爵平春縣男除晉陽令天保初加寧遠將軍皇建初進爵義陽縣子河清中加驃騎大將軍天統初除給事黃門侍郎加射聲校尉遷散騎常侍武平初進開府儀同三司遷侍中有鑒誠二十四篇

上言備邊

突厥與宇文男來女往必當相與影響南北寇邊空選九州中男彊弩多據要險之地伏願陛下哀忠念舊愛孤恤寡矜愚嘉善舍過記功敦骨肉之情廣寬仁之路思堯舜之風慕禹湯之德克己

復禮目成美化天下幸甚

北齊書王紇傳
武平初上言

宋景業

景業廣宗人魏末爲北平太守齊受禪授散騎侍郎封長城縣子

上言圖緯

易稽覽圖曰鼎五月聖人君天與延年易齊書宋景業傳顯祖作之謹案東北水謂渤海也高得之明高氏得天下也

相在晉陽景業因高德政上言云云是時
魏武定八年五月也又見北史八十九

董峻

鄭元偉

非宋景業天保麻議

宋景業移閭于天正退命于冬至交會之際承二天之後三月之交妄滅平分臣案景業學非探賈識殊深解有心改作多依舊章

唯寫子換母頗有變革妄誕穿鑿不會真理乃使日之所在差至
八度節氣後天間先一月朔望虧食既未能知其表裏遲疾之麻
步又不可已飭通妄設平分虛退又至虛退則日數減于周年平
分妄設故加時差于異日五星見伏有違二旬遲疾逆留或乖兩
宿軌筭之術妄刻水旱今上甲寅元麻並呂六百五十七為率二
萬二千三百三十八為節五千四百六十一為斗分甲寅歲甲子
日為元紀隋書律歷志中後齊大宣帝禪命散騎侍郎宋景業造天保歷至後主武平七年董峻鄭元偉立議非之

賜進士出身一品銜廣東等處提刑按察使司按察使兼管驛傳事務同王毓藻校刊

全北齊文卷七

烏程嚴可均校輯

鄭述祖

述祖字恭文，滎陽開封人。魏祕書監道昭子，歷司空、行參軍、累遷司徒左長史、尚書侍中、太常卿、丞相、右長史，入齊歷太子少師、左光祿大夫、儀同三司，使持節、車騎大將軍，前後行瀛、殷、冀、滄、趙、定六州事。正除懷朔、光三州刺史，又重行殷、懷、趙三州刺史。天統元年卒，年八十一。贈開府中書監、北豫州刺史，諡曰平簡。

重登雲峯山記

大齊河清三年五月廿四日，使持節都督光州諸軍事、車騎大將軍、儀同三司、光州刺史鄭述祖字恭文，卽魏鎮北將軍祕書監青相光三州刺史文恭公滎陽道昭之子。魏大鴻臚卿、北豫州刺史

司空口公嚴祖之第三弟先君之臨此州也公與仲兄豫州敬祖
叔弟光州遵祖季弟北豫州順祖同至此鎮于時公季始十一雅
好琴文登山臨海未嘗不從常披鹿皮裘子此州人士呼爲道士
郎君及長官歷司徒左長史再履尚書三爲侍中滄瀛冀趙懷究
行正得此十州刺史公之所撫莫非大椿言及光部恆所欽羨只
爲前蹤誠所願也便曰此夏斯願方遂忻慰登途若歸桑梓入境
歎曰吾自幼遊此至今五十二季昔同至者今盡零落唯吾一人
重得來耳于是悽感殆不自勝因南眺諸嶺指雲峰山曰此山是
先君所名其中大有舊迹未幾遂率僚佐同往遊焉對碣觀文發
聲哽塞臨碑省字興言淚下次至兩處石詩之所對之號仰彌深
彌慟哀纏左右悲感傷人雖曾閱之誠詎能過也但石詩季久字
皆癡落實從尋省莫能識之公乃曰此時吾雖幼小略當記錄此
當是與道俗十餘人論經書者遂口持百餘言諸人得此乃共披

拂從首及末，無一訛舛。久之方昇于此。此處名曰山門左闕，仍仰觀斯峯曰：此上應有九仙之名，卽遣登尋，果如所說。此山正南卅里有天柱山者，亦是先君所号，以其孤上千雲，傍無峻嶺，因以名之。其山上之陽，先有碑碣，東墟石室，亦有銘焉。從此東北一十二里，太基山中，復有雲居館者，亦是先君所立。其四峯之上，鐫記不少，悉有誌錄，殊復可觀。今日于此，略陳彼境，冀洪聲異迹，永無淪沒者矣。

碑拓本

天柱山銘

使持節都督光州諸軍事車騎大將軍儀同三司滎陽鄭述祖作巖巖岱宗，魯邦仍其致祀，奕奕梁山，韓國已之作鎮。蓋由拳石吐雲，扶寸布雨，五岳三望，大宗九獻，祈禱斯應，禮秩攸明。天柱山者，卽魏故通直散騎常侍中書侍郎國子祭酒祕書監青光相三州刺史先君文恭公之所題目。南臨巨海，北眺滄溟，西帶長河，東瞻

大壑糾嶺崇天、層峯隱日、尋十州于掌內、總六合于眼中、文繇自此經停、精衛因其止息、始皇遊而忘返、武帝過以樂留、豈直蛾眉鳥翅、二別兩滄、對談大小、共敘優劣者也、公稟氣長象、含靈川岳、禮義以成類矩、仁智用爲樞機、自結衣逞舉、革履傳聲、組綬相輝、貂冕交映、至于愛仙樂道之風、孝敬仁慈之德、張良崔廓、未之云擬、文先夏甫、何以能加、魏永平三年、朝議以此州俗關南楚、境号東秦、田單奮武之鄉、麗其騁辯之地、民猷鄙薄、風物陵遲、詔諸俾又、非公勿許、及駐雞御下、享魚理務、羣情款密、庶類允諧、變此滯夷之俗、侔彼禮樂之邦、懋績布在哥謠、鵠範宣諸史策、公久闕粉榆、永懷桑梓、同昇隴而灑泣、類陟岵以興嗟、于此東峯之陽、仰述皇祖、魏故中書令祕書監兗州刺史文貞公迹狀、鐫碑一首、峯之東、堪石室之內、複製其銘、余忝資舊德、力構前基、遂秉笏朝門、策名天府、出入蕃邸、陪從帷幄、凡諸身歷、瀛趙滄冀、懷及充光、行正

十州刺史、北豫州大中正、三登常伯、再履納言、光祿大常、頻居其任、揣究庸虛、無階至此、直是遺薪妄委、餘慶濫鍾、何曾不想樹嗟風、瞻天愧日、猥當今授、踵迹此蒞、敢慕楹書、仰宣庭誨、其詞曰：嵩高峻極、大華削成、祈望諸素、禋禱羣經、崇哉天柱、迥出孤亭、地險樹德、藉此爲名、赫矣先公、道淡義富、如桂之馨、如蘭之茂、尊祖愛親、存交賞舊、繼屬恩淺、竇慙穿構、大齊天統元年歲次乙酉五月壬午朔十八日己亥刊

碑拓本

雲居館刻石

司徒左長史尚書侍中太子少師太常卿車騎大將軍儀同三司左光祿大夫北豫州大中正瀛趙滄冀懷兗光行正十州刺史鄭述祖雲居館之山門也天統元年九月五日刊

碑拓本

斛律光

光字明月朔州敕勒部人左丞相金子神武擢爲都督遷征虜

將軍衛將軍封永樂縣子進爵爲伯齊受禪加開府儀同三司別封西伯縣子除晉州刺史歷朔州刺史加特進乾明初除晉州刺史皇建初進爵鉅鹿郡公大寧初除尚書右僕射太子太保河清中爲司空遷司徒進太尉又封冠軍縣公天統初轉太將軍除太保襲父金爵咸陽王別封武德郡公遷太傅武平中又封中山郡公加右丞相梓州刺史拜左丞相又別封清河郡公爲祖瑛所譖誅周武人鄴追贈上柱國崇國公

與周大保達奚武書

鴻鶴已翔于寥廓羅者猶視于沮澤也

周書達奚武傳

祖瑛

瑛字孝徵范陽道人一云狄道人魏太常卿瑩子起家祕書郎對策高第遷尚書儀曹郎文宣以爲梓州倉曹參軍人爲神武中外府功曹遷祕書丞領舍人事免文襄嗣事復爲功曹參軍

文宣受禪召直中書省除尚藥丞遷典御武成卽位拜中書侍郎出爲安德太守轉齊郡太守人爲太常少卿散騎常侍假儀同三司後主卽位拜祕書監尋徙光州就除海州刺史人爲銀青光祿大夫祕書監加開府儀同三司進侍中尚書左僕射監國史加特進封燕郡公尋解職出爲北徐州刺史

上呈修文殿御覽表

昔魏文帝羣誕諸人撰著皇覽包括羣言區分義別陛下聽覽餘日眷言紺素究蘭臺之籍窮策府之文曰爲觀書貴博博而貴要省日兼攻期于易簡前者修文殿令臣等討尋舊典撰錄諸書謹罄庸短登卽篇次放天地之數爲五十部象乾坤之策成三百六十卷昔漢時諸儒集論經傳奏之白虎閣因名白虎通竊緣斯義仍曰修文殿御覽今繕寫已畢并目上呈伏願天鑒賜垂裁覽

六百一引
三國典略

上書請定樂

魏氏來自雲朔肇有諸華樂操土風未移其俗至道武帝皇始元年破慕容寶于中山獲晉樂器不知采用皆委棄之天興初吏部郎鄧彥海奏上廟樂創制宮懸而鐘管不備樂章既闕雜呂敝運迴歌初用八佾作皇始之舞至太武帝平河西得沮渠蒙遜之伎賓嘉大禮皆雜用焉此聲所興蓋苻堅之末呂光出平西域得胡戎之樂因又改變雜呂秦聲所謂秦漢樂也至永熙中錄尚書長孫承業共臣先人太常卿瑩等斟酌繕修戎華兼采至于鍾律煥然大備自古相襲損益可知今之創制請呂爲準

隋書音樂志中
文宣受禪後尚

樂典御祖璽自言舊在洛下曉知
舊樂上書又見通典一百四十二

上書請傳位東宮

陛下雖爲天子未是極貴按春秋元命包云乙酉之歲除舊革政今年太歲乙酉宜傳位東宮令君臣之分早定且呂上應天道

北齊

書補
挺傳

造陸媼弟悉達書

趙彥溪心腹溪沈欲行伊霍事儀同姊弟豈得平安何不早用智

士邪

北齊書
祖挺傳

冀州刺史万俟受洛清德頌

并州定國寺碑

並見北齊書
祖挺傳亡

樊遜

遜字孝謙河東北猗氏人爲臨漳小史遷主簿武定末梁州刺史劉殺鬼曰爲錄事參軍隨府遷潁川長史齊受禪本州舉秀才報罷梁州重舉秀才對策第一超除員外將軍武成卽位轉授主書遷員外散騎侍郎

天保五年舉秀才對策

五年正月制詔問升中紀號孝謙對曰臣聞巡嶽之禮勒在虞書

省方之義著于易象。往帝前王。匪唯一姓。封金刊玉。億有餘人。仲尼之觀梁甫。不能盡識。夷吾之對齊桓。所存未幾。然盛德之事。必待太平。苟非其人。更貽靈譴。秦皇無道。致風雨之災。漢武奢淫。有奉車之害。及文叔受命。炎精更輝。四海安流。天下輯睦。勿賜騎士。馬駕鼓車。乃用張純之文。始從伯陽之說。至于魏晉。雖各有君。量德而處。莫能擬議。蔣濟上言于前。徒穢紙墨。袁準發論于後。終未施行。世歷三朝。年將十祀。啟聖之期。茲爲昌會。然自水德不競。函谷封塗。天馬息歌。苞茅絕貢。我太祖收寶籙之瑞。握鳳皇之書。體一德。已匡朝。屈三分而事主。蕩此妖寇。易如沃雪。但昌既受命。發乃行誅。雖太白出高。中國宜戰。置之度外。望其遷善。伏惟陛下。已神武之姿。天然之略。馬多冀北。將異山西。涼風至。白露下。北上太行。東臨碣石。方欲吞巴蜀。而掃崑崙。苑長洲而池江漢。復恐迎風縱火。芝艾共焚。按此六軍。未申九伐。夫周發牙璋。漢馳竹使。義在

濟民非間好戰至如殺鼠忌器之說蓋是常談文德懷遠之言豈
識權道今三臺令子六郡良家蓄銳須時裏樞待詔未若龍駕虎
服先收隴右之民重轉雷驚因取荆南之地昔秦舉長平金精食
鼎楚攻鉅鹿狂矢宵流況我威靈能無協讚但使彼之百姓一觀
六軍侶見周王若逢司隸然後除其苛令與其約法振旅而還止
戈爲武標金南海勒石東山紀天地之奇功被風聲于千載若令
馬兒不死子陽尚在便欲案明堂之圖草射牛之禮比德論功多
慙往列并中告禪臣用有疑

又問求才審官孝謙對曰臣聞彫獸畫龍徒有風雲之勢金丹玉
馬終無水陸之功三駕禮賢將收實用一毛不拔復何足取是日
堯作虞賓遂全箕山之操周移商鼎不納孤竹之言但處士盜名
雖云久矣朝臣竊位蓋亦實多漢拜丞相便有鍾鼓之妖魏用三
公乃至孫權之笑故山林之與朝廷得容非毀肥遯之與賓王

有優劣。至于時非蹈海。而曰羞作秦民。事異出關。而言恥從衛亂。雖復星于帝座。不易高尚之心。月犯少微。終存耿介之志。自我太嶽之後。克廣洪業。禹至神宗。舜格文祖。陛下受天明命。光華日月。爰自納麓。乃格文祖。儀天地。曰設官。象星辰。曰布職。漢家神鳳。軒用紀年。魏氏青龍。羞將改號。上膺列宿。咸是異人。下法山川。莫非奇士。所已盡堂甲觀。修德日新。廟鼎歌鍾。王勳歲委。循名責實。選眾舉能。朝無銅臭之公。世絕錢神之論。昔百里相秦。名存雀錄。蕭張輔沛。姓在河書。今日公卿。抑亦天授。與之爲治。何欲不遂。未必稽首天師。方聞牧馬之術。膝行山上。始得治身之道。但使帝德休明。自強不息。甲夜觀書。支口通奏。周昌桀紂之論。欣然開納。劉毅桓靈之比。終日含弘。高懸王爵。唯能是與。管庫靡遺。漁鹽畢錄。無令桓譚非議。官止于郡丞。趙壹負才。位終于計掾。則天下宅心。幽明知感。歲精仕漢。風伯朝周。真人去而復歸。台星坼而還斂。詩稱

多士易載羣龍從此而言可謂無愧

又問釋道兩教孝謙對曰臣聞天道性命聖人所不言蓋曰理絕
涉求難爲稱詣伯陽道德之論莊周逍遙之旨遺言取意猶有可
尋至若玉簡金書神經祕錄三尺九轉之奇絳雪玄霜之異淮南
成道犬吠雲中子喬得仙翩飛天上皆是憑虛之說海聚之談求
之如係風學之如捕影而燕君齊后秦皇漢帝信彼方士冀遇其
真徐福去而不歸欒大往而無獲猶謂升遐側影抵掌可期祭鬼
求神庶或不死江璧既返還入驪山之墓龍媒已至終下茂陵之
墳方知劉向之信洪寶沒有餘責王充之非黃帝比爲不相又末
葉已來大存佛教寫經西土畫像南宮昆池地黑曰爲燒劫之灰
春秋夜明謂是降神之日法王自在變化無窮置世界于微塵納
須彌于黍米蓋理本虛無示諸方便而妖妄之輩棄家出家藥王
燔軀波斯灑血假未能然猶當克命豈有改形易貌有異生人恣

意放情還同俗物。龍宮餘論。鹿野前言。此而得容。道風前墜。伏惟
陛下受天明命。屈己濟民。山鬼效靈。海神率職。湘中石甍。沐時雨
而羣飛。臺上銅鳥。愬和風而杓轉。曰周都洛邑。治在鎬京。漢宅咸
陽。魂歸豐沛。汾晉之地。王迹維始。眷言尋幸。且勞經略。猶復降情
文苑。斟酌百家。想執玉于瑤池。念求珠于赤水。竊曰王母獻環。由
感周德。上天錫珮。實報禹功。二班勒史。兩馬製書。未見三世之辭。
無聞一乘之旨。帝樂王禮。尚有時而沿革。左道怪民。亦何疑于沙
汰。

又問刑罰寬猛。孝謙對曰。臣聞惟王建國。刑曰助禮。猶寒暑之贊
陰陽。山川之通天地。爰自末葉。法令稍滋。秦篆無曰窮書。楚竹不
能盡載。有司因此開曰二門。高下在心。寒熱隨意。周官三典。棄之
若吹毛。漢律九章。違之如覆手。遂使長平獄氣。得洒而後消。東海
孝婦。因災而方雪。詔書挂壁。有善而莫遵。姦吏到門。無求而不可。

皆由上失其道民不見德而議者守迷不尋其本鍾繇王朗遐怨
張倉祖訥梅陶共尤文帝便謂化屍起假在復肉刑致治興邦無
關周禮伏惟陛下昧爽坐朝留心政術明罰已糾諸侯申恩已孩
百姓黃旗紫蓋已絕東南白馬素車將降軌道若復峻典深文臣
實未悟何則人肖天地俱稟陰陽安則願存擾則圖死故王者之
治務先禮樂如有未從刑書乃用寬猛兼設水火俱陳未有專任
商韓而能長久昔秦歸士會晉盜來奔舜舉皋陶不仁自遠但令
釋之定國迭作理官龔遂文翁繼爲郡守科開律令一此憲章欣
聞汲黯之言泣斷昭平之罪則天下自治大道公行乳獸含牙倉
鷹垂翅楚王錢府不復須封漢獄冤囚自然蒙理後服之徒既承
風而慕化有截之內皆蹈德而詠仁號曰成康何難之有

又問禍福報應孝謙對曰臣聞五方易辨尚待指南百世可知猶
須吹律況復天道祕遠神迹難源不有通靈孰能盡悟乘槎至于

河漢唯觀牽牛假寐遊于上玄止逢翟火造化之理既寂寔而無傳報應之事固難得而妄說但秦穆有道句芒錫祥虢公涼德虢收降禍高明在上定自有知不可謂神冥昧難信若夫仲尼戾于陳蔡孟軻困于齊梁自是不遇其時靈關報應之理子胥無首馬遷腐下受誅取辱何可尤人至如協律見親擢船得幸從此而言更不足怪周王漂杵致天之罰白起誅降行己之意是曰七百之祚仍加姬氏杜郵之戮還屬武安昔漢問上計不過日蝕晉策秀才止于寒火前賢往士咸用爲難推古比今臣見其易然草萊百姓過荷恩私三折寒膠再遊金馬王言昭賁思若有神占對失圖伏深悚懼

北齊書
樊遜傳

刊定祕府書籍議

案漢中壘校尉劉向受詔校書每一書竟表上輒言臣向書長水校尉臣參書大夫公太常博士書中外書合若干本曰相比校然

後殺青余所讎校供擬極重出自蘭臺御諸甲館向之故事見存
府閣卽欲刊定必籍原本太常卿邢子才太子少傅魏收吏部尚
書辛衡司農少卿穆子谷前黃門郎司馬子瑞故國子祭酒李業
興竝是多書之家請牒借本參校得失北齊書
樊遜傳

陸操伏渾卒爲楊愔作書告晉陽朝士

答誨

臨漳令裴鑒清德頌

地見北齊書
樊遜傳亡

庫狄干碑銘

北史八
十三

郎基

基字世業中山新市人爲奉朝請天保中除海西鎮將入爲侍
御史皇建初除鄴州長史帶潁川郡守卒贈驃騎大將軍和州
刺史諡曰惠

答潘子義書

觀過知仁斯亦可矣

北齊書
鄭基傳

賜進士出身三品銜廣東等處提刑按察使司按察使兼管驛傳事務副王毓藻校刊

全北齊文卷七終

全北齊文卷八

烏程嚴可均校輯

劉逖

逖字子長彭城人魏太常卿芳孫天保初行定陶令皇建初除太子洗馬武成卽位除散騎侍郎兼儀曹郎進中書侍郎加散騎常侍儀同三司天統中出爲江州刺史徙仁州刺史武平中徵還待詔文林館重除散騎常侍與崔季舒等同誅

薦辛德源表

弱齡好古晚節逾厲枕籍六經漁獵百氏文章綺豔體調清華恭慎表干閭門謙撝著于朋執實後進之詞人當今之雅器必能效節一官聘足千里

隋書辛德源傳

鴻

鴻失其姓

西門豹祠堂碑

自夫清剛儷以分嶺沈濁判其口口口瀆爲紀羅口口口之
義栗襄葛之年炎軒吳頊之口口口瑞所聞蓋口口虞傳口口
口口周口口口口令踰于國既口口口口壅水農九州轡割
七雄基口口口口國之君口口古之業口口口田卜口口口
口口璜河內侯治鄴口口口子昌言而爲任西門厲精而出宰口
拒比周治中嚴密璽還而歸主口亡而警吏口班既別口彩白口
不省書口積倉府戎車北首侵口南口佩口臨事簪筆聽神民吏
不敢兩欺口巫老口茲於波浪頡頏鄉密異術均美口口口首列
城歸口于是生致尸祝之禮歿貽棠杜之思雖口券金書逝者不
作口口壇表慕俎豆逾遠非口襄王口口口子託葬存稱惠主死
曰明神所召年世經關風俗漸染恩福之祈咸在災沴口禱仍口
非直郡國掾史實降口口口蓋魏氏季年日銷地反投蜺不息陶

粟口口口口致酒英傑先之願以賢宰餘休聯下宸鑒斯揆使

持節驃騎大將軍開府儀同三司司州牧宗師清河王岳出應敵

國入當下之一帥執刺都輦標榜九牧馴禽弭口口雨來風披

唐口口傾賢禮俊眷彼熊官投口千祀下晉崩離殊類竊假畏

威仰德堅碑在口春煦口口口超二百執除之口口口口穉豈不

蒼精云啟口口口口口言僭迹埽地不遺委賁興王恭承口運

幽明口遠意在斯乎乃命口紀口口鴻口口以昭晉神道口口口

口口口口而口絕望黃岑以俱時其詞曰

星精旁散漢津橫瀉山峙口口瀆流疎野中處外薄惑夷盛夏周

德不昌三詩飲雅下侮弱憑彊魏侯趣士民俊口望鄴有賢令

夏景冬煥口口率口口口口俗下存祀四時亡哀百贖始聞賢

烈終口明靈忻殫鼓口口盡牢牲精蘭竦意傳口口口口口徒口

禮下人授手口口謀居光宅漳右龍駒鳴蓋鳴笳馴牲口口層

口載前載後口象口口飾衛逾隆天子赫赫屢數在躬夏應履命
舜受堯終洛汎文章河浮圖口會昌冥既居今陋昔成狄報口口
口口口口口口口宜留金石口親藩幹口率依風毛畢均美
碑拓本 案中州金石記引太平寰宇記云鄆縣西門橋齊天保
五年僕射魏收為碑存焉則碑是天保五年魏收所撰無疑今案
魏收所撰者乃西門橋碑此是西門利貞彼此異也碑序末云乃
命口紀口口口口口口口口口口口口口口口口口口口口口口
二字乃撰碑者之地名人名指
已殘闕俟更求舊拓本補之

朱瑒

瑒仕梁為驃騎王琳府倉曹參軍琳敗隨入齊

與徐陵請王琳首書

竊自朝市遷貿時傳骨鯁之風屢運推移開表忠貞之迹故典午
將滅徐廣為晉家遺老當途已謝馬孚稱魏室忠臣用能播美于
前書垂名于後世梁故建寧公琳洛濱餘胃沂州舊族立功代郡
效績中朝當離亂之辰總方伯之任爾乃輕躬殉主已身許國實

追蹤于往彥。信踵武于前脩。而天厭梁德。尚思匡繼。徒蘊包胥之
念。終邁莫弘之膏。洎王業光啟。鼎祚有歸。于是遠跡山東。寄命河
北。雖輕旅臣之歎。猶懷各卿之禮。感茲知己。忘此捐軀。至使身沒
九原。頭行千里。誠復馬革裹尸。遂其平生之志。原野暴體。全彼人
臣之節。然身首異處。有足悲者。封樹靡上。良可愴焉。曷早筮末條。
預參下席。降降君之吐握。荷魏公之知遇。是用沾巾拭袂。痛可識
之。頰迴腸疾。首切猶生之面。伏惟聖恩博厚。明詔爰發。赦王經之
哭。許田橫之葬。瑒雖芻賤。竊亦有心。琳經莅壽陽。頗存遺愛。曾遊
江右。非無餘德。比肩東閣之吏。繼踵西園之賓。願歸元彼境。還修
窀穸。庶孤墳既築。或飛銜土之燕。豐碑式樹。時畱墮淚之民。近故
舊王綰等。已有論牒。仰蒙制議。不遂所陳。昔廉公告逝。卽肥川而
建塋域。孫叔云亡。仍芴轍而植楸檟。由此言之。抑有其例。不使壽
春城下。惟傳報葛之人。滄洲島上。獨有悲田之客。昧死陳祚。伏待

刑憲

北齊書王琳傳北史王琳傳文苑英華六百九十三

方道顯

造釋迦像碑

唯大齊皇建元年歲次庚辰十月己卯朔卅日戊申大齊清信士

佛弟子方道顯敬造釋迦石像一軀上為皇帝陛下七世父母邊

地眾生有形之類咸同其福善

碑拓本下方有姓名七列不錄

張奉禮

奉禮河清中為光州別駕

上言祖珽事

珽雖為流囚常與刺史對坐

北齊書祖珽傳珽徙光州刺史李祖勣遇之甚厚別駕張奉禮希大臣意

言上

申嗣邕

嗣邕為齊州騎兵參軍

隴東王感孝頌

并序

惟夫德行之本仁義之基感洞幽明擾馴禽獸清音帶兵而挺潔
素采映雪而流輝根矩定于一丸丘吾絕于三矢開府儀同三司
尚書右僕射尚書左僕射尚書令攝選新除特進使持節齊州刺
史隴東王胡長仁雖黃雅俗雄飛咸里入膺北斗執柄端衡出牧
東秦總條連率未脫崔林之疑聊帽賈宗之禱視聽經過訪詢耆
舊郭巨之墓馬鬣交阡孝子之堂烏翅銜旨君王愛奇好古歷覽
徘徊妃息在傍賓僚侍側壁疑秦鏡炳煥存形柱識荆珉宋寥遺
字所已斂眉長歎念昔追遠遂若羊公登岷還同處壘飲泉慨賢
勝之多獎嗟至德而無紀蘭溪儒不見松穀城何已知石于時開
府中兵參軍梁恭之盛工篆隸騎兵參軍申嗣邑徵學摘藻並應
命旨俱營頌筆已大齊武平元年正月廿二日權輿雕瑩表建庭
宇棟刻蒼文儼栽翠柏庶令千葉之下彌振金聲光原之中恆浮

玉樹其詞曰

天經地義、啟聖通神、重華曾閔、葉子樂春、時多美迹、世有芳塵、前漢逸士、河內貞人、分財雙季、獨養壹親、客舍凶弭、兒埋福臻、穹隆感異、勞薄貽珍、懸車遲落、夜臺弗晨、千齡俄古、萬祀猶新、朱駉紫蓋、撫俗調民、高山達節、景慕榮嘶、式憑不死、永播衣巾、碑拓本

朱敬脩

朱敬範

敬脩、樂陵涇沃人、敬範、敬脩從父兄

朱岱林墓誌銘

君諱岱林、字君山、樂陵涇沃人也、自辛朝喪厥昌戶、銜書親目建社、賢亦啟國、扶封於邾、公加茅土、方曹析壤、姬魯稱雄、別有由諡立姓、因字爲氏、斯卽去邑從朱、蓋是殊方共致、卯金則司空佐命、當塗卽領車贊業、整在晉嗣、美表於趙、垂名所謂、杞梓繼生、公侯

開起哲人世挺衣冠代襲曾祖霸儒該巨素術盡從橫魏使持節
平州諸軍事安遠將軍平州刺史俗鄰塹場布曰威恩醇酒空陳
夜金不受於後謫言及樂讒巧亂鄒條余鴈揚飄然鵲起擁鄉里
三千餘戶來逝河南值元嘉之末朝多喪亂不獲其賞仍居青州
之樂陵郡祖法引下帷耽讀閒靜自得舉秀才釋褐南平王府行
參軍遷尚書祠部郎中禮閣有聲含香擅美後遷司徒府諮議參
軍事亡贈鴻臚卿父孝祖清規勝軌地美才高俄而魏高祖孝文
皇帝熊羆竟騁蒼兕爭先化洽江湖令行天下錄荷異于巖駁訪
隱逸于閭閻起家除樂陽縣令轉北海太守流涕孟侯歌謠稚子
從今勤古竝駕分駟君膺茲秀氣稟是清和三隸六里方珠比玉
左智右賢擬龍齊鳳得嗟蔡子見重侯楫聿始十餘身雖艱苦晨
號夕踴柴毀骨立遂使鳩來栖集馬憊撈草精通飛走撿貫幽明
魏廣陵王愛善如慈好書比德德俾侯南服妙選英佐託以金蘭徵

爲國常侍，辭不獲已，俛從職而俟。羸荷盼，雖交公子，介推逃賞，終遺晉文，未踰十旬，還以病解。後彭城王又以皇枝之貴，作牧東秦，召爲主簿，久而從命。王藉甚有素，不苦抑遺，終遂平木之心，乃申安道之志。君雅量之地，無際可尋。元昆季弟，推之京宦，同於得喪，等槩榮枯。含章韜綵，藏明晦用。兄元旭散騎常侍，出除南兗州刺史，弟叔業通直散騎常侍，左光祿大夫。高冠映日，長戟陵風，譽滿京華，聲馳禹縣。縱趙孝之讓，禮食曾何足云。魯公之就，平名詎堪方此。魏廷尉卿崔光韶侍中，賈思伯竝聰敏當世，器局樹時，結四子七賢之交，飲醪投水之密，留連宴熹，付寫衿期。黃門郎徐紇與君意得言忘，處權居要，恆思不次之舉，還疑志不可奪。醺言之暇，聊申微旨。君荅云：昔人有以術忤帝，或道質口，王譬之鱗羽，本乖飛伏，而平生庸短，未希簪紱，如斯之睨，乞不加以紇。愛人曰：禮兼相欽，尚從其所好，不敢繫維。普泰之季，水德不競，蒼雲蓋野，紫

日生天、烏合蟻徒聚三齊之地、豎牙鳴角、鬯十二之險、不異井中、
虛言聖出、何殊轍口、妄号神人、拔本塞源、摧蘭天桂、春秋五十有
四、遐迹悲噓、聞見涕零、惟君大度不羣、峻口孤上、託宿假道、唯仁
與義、規矩成則、物我兼忘、非夷非惠、不石不玉、惻隱同於子魚、友
悌侔於伯雅、何忽儋山石、折智士還傾、曰大齊武平二年歲次辛
卯二月乙卯朔六日甲申、葬於百尺里東五里第四子敬脩、自惟
罹此荼毒、眇然咳幼、離奇曰生、龍鍾而立、窮而匡子、溫慙閔、窶帖
山難陟、過庭無訓、攜鋤而感、言下集冠之禽、攀松弗照、靈降成塋、
之鳥空、追士季瞻像、載興傷慟、曰殯觀狀、益增酸哽、磬茲鄙拙、式
序微猷、思與泣俱、文兼涕落、先言多不備述、往行盡是闕如、良由
才非作者、情限蕪次、從父兄敬範、史君伯第三子、脫略榮華、不應
徵聘、沈深好古、尤工摘屬、勒銘黃壤、曰播清風、辭曰、

本自高門、世資陰德、從來位重、人兼才識、運海鱗奇、搏搖翅力、繁

枝不已清滿焉息一作唯祖英毅唯父深沈飛纓鳴玉作範垂音仍

生東箭遂挺南金素榮俱美出處分心其有應純和口望餘耀枯

風阮德梁遊大釣總于君子哉才何劭闕里儒英瀨鄉玄妙其道

王天崖志輕人爵菊一作危坐口裏探藥楚漢兒戲仁雄寥廓我如

曾閔何論許郭其虛言補善實驗無親石一作既落偕山亦淪少微

之應遂屬高人悲王維序痛霍何陳其仁厚慶鍾育斯才彥歷階

武目過庭鯉盼似鳳方鳴如龍比紉遺孤在爰猿馬誰見其誰見

伊何慈顏弗覩口朝不食鄰人罷祖比學西河擬文東魯述彪者

固情深陟謁其魚山本志門豹遺風丹青已寫玄寥方崇思人下

淚瞻蓋悲空山川不易規猷詎終其嗟嗟猶子瞻儀在昔荷恩惟

訓依希如覲頌雅因詩汎文託易追思素道敬鐫玄石碑拓本

撰序朱敬

範撰銘

尹義尚

義尚尚里未詳

與徐僕射書

義尚白。澄濱江渚。眇若天涯。去鴈歸鴻。雲飛難寄。瞻言鄉國。泣珠
淚而盈懷。寤寐德音。仰煙霞而疾首。旣而暑往寒來。愁雲滿塞。河
冰自結。非由漢后之軍。草露恆嚴。盛假公超之術。霜飄虎渠。距如
朔野之寒。雪覆龍岑。徒憶清江之煖。眷言疇昔。邈矣遐哉。係仰清
顏。願常豐勝。雍容廊廡。時宜匡奉之風。偃息康莊。無廢怡神之道。
義尚望國窮魂。繁憂積歲。雖共未殞。豈曰生年。日者謬忝後車。陪
遊上國。曾觀禮樂。見季子之知音。經奉侍言。嗟鄒僑之博物。如軍
書愈疾之製。碑文妙絕之詞。猶貴紙于鄴中。尚傳聲于許下。逮乎
百六之年。仍離再三之酷。吉凶禮數。綿歷歲時。嘗膽茹辛。備同艱
險。每冀穹蒼有感。大國矜憫。昌禮言歸。馭驛俱反。何期髣髴毛漚。淪
墜灕漳濱之水。逆嗣摩霄。輕託蓬萊之頂。信知有幸無幸。見生死

之殊倫才與不才驗沈浮之異趣昔秦歸趙璧還得連城晉失楚材直亡其寶自國祚中絕行李不通等遊世于桃源同畱寓于仙嶺每瞻牛候馬想金陵之聖人今觀皇華知有能之建國賓堯仕舜猶是八才緯武經文方倚四貴幸甚幸甚昔楊朱岐路悲始末之長離蘇武河梁歎平生之水別雖復音塵可嗣終隔風雲夢想時通無因觀止依依望楚寸陰有待百年將半輟生若是命也如何今車書同軌行李相繼猥荷文移通問論及輶軒既曰復命義尚未被哀矜竊曰晉楚釋囚共成親好今乃拘彼來此不亦難乎夫曰匹夫投分猶須坦蕩況兩國二君耶宜細計彼若才如廉樂猶恐不習禁兵苟非其人謂之何益然三戰三敗卒成強伯之功七縱七擒終仗天威之力由此言之彼此如耳徐元直西蜀之謀士關雲長劉氏之驍將須歸卽遣知叛弗追今之與古何其異趣且二國叶和長江共有如首如尾可曰同規或貳或猜豈名唇齒

是日隔河分敵。君子知其不終。衷甲尋盟。春秋貶其行詐。伏承聖上欽明。英賢佐輔。方知解網之氣。用表無偏之化。若彼之俘虜。猶且蒙歸。此之南冠。何辭不遣。如其苟相猜貳。信不由衷。雖篤親鄰。義尚何罪。不任辛酸之念。輕陳萬一之情。伏願仁人。少存疇昔。承閑之便。希復開言。昔張子餘年。誠稱吳王之賜。微躬適影。實仰含弘之澤。載筆漣瀾。罔知所述。文苑英華六十八十五

封士讓

士讓爲丞相府佐

密啟後主

光前西討。還轍令放兵散。光令軍逼帝京。將行不軌。事不果而止。家藏弩甲。奴僮千數。每遣使與藥武都處。陰謀往來。若不早圖。恐事不可測。北齊書解

王行思

行思爲南安王思好行臺郎思好敗俱赴水死

爲南安王思好與并州諸貴書

主上少長深宮未辨人之情僞昵近凶狡疏遠忠良遂使刀鋸刑
餘貴溢軒階商胡醜類擅權帷幄剝削生靈劫掠朝市闇于聽受
專行忍害幽母深宮無復人子之禮二弟殘戮頓絕孔懷之義仍
縱子立奪馬于東門光弁擎鷹于西市駿龍得儀同之號逍遙受
邵君之名犬馬班位榮冠軒冕人不堪役思長亂階趙郡王叔寶
曰宗英社稷惟寄左丞相斛律明月世爲元輔威著鄰國無罪無
辜奄見誅殄孤既忝預皇枝實蒙殊獎今便擁率義兵指除君側
之害幸悉此懷無致疑惑

北齊書宗室思好傳思好遷朔州刺史武平五年舉兵反與并州諸貴書云云

行臺郎王行思之辭也

劉晝

晝字孔昭渤海阜城人舉秀才不第有高才不遇傳四卷劉子

十卷案劉子隋志不著錄唐志作劉鑑撰
是公武陳振孫王應麟並云劉鑑撰

上書詆佛法

佛法詭詐避役者已為林藪

又詆訶姪蕩

尼與優婆夷實是僧之妻妾損胎殺子其狀難言今僧尼二百餘萬并俗女向有四百餘萬六月一損胎如是則年族二百萬戶矣驗此佛是疫胎之鬼也全非聖人之言道士非老莊之本籍佛邪說為其配坐而已廣宏明集
六帶惑解

章仇子施

子施魏郡人武平中為儒林學士

請禁抑僧尼表

帝王上事昊天、下宰黎庶、君臣夫婦、綱紀有本、自魏晉已來、胡妖亂華、背君叛父、不妻不夫、而奸蕩奢侈、控御威福、空受加敬、輕欺

士俗妃主畫入僧房子弟夜宿尼室臣不請怪不恐不避鼎鑊輒沐
浴輿輓奉表已聞廣宏明集七子庵上疏凡十餘狀帝震怒禁錮經年周武王齊出之

馬天祥

造像碑

夫幽宗玄家眞麗潛口然隱顯冲機而名隨化浪洪闢彌靡遐口
口口自非鏤像汚形其孰能觀之者哉大齊武平九年二月廿八
日邑主馬天祥邑子馬天成邑子馬天相邑子馬天慶道民王成
人道民王大人道民王强人道民王恭人授委壇靜仲追冥果造
立石像永口餽矣口口肅恭祚延無窮尊師崇業口口口口碑拓本
案武平止七年而碑云九年必誤

馮袞

袞冀人依鄴下大覺寺釋惠光終于光門

捧心論

諸行者不得信此無明昏心。覓長覓短。聽經學問。嚴飾我心。須識詐賊。覓他過惡。不求其長。則吾我漸歇。特須分疏。勿迷自他。我過常起。熾然法界。他道少過。便即顧他。常須看心。自己多過。若思量者。雖在世間。無有滋味。終無歡心。已味惡我。何由有樂。此心將我上至非想。還下地獄。常誘誑我。如怨家。如愛奴。豈可學問。長養賊心。巧作細作。使覓名利。造疽妬也。故經云。常爲心師。不師于心。八歲能誦。百歲不行。不救急也。續高僧傳

列女

趙桃科妻劉氏

造像記

武平三年十二月十八日。戎昭將軍伊陽城騎兵參軍趙桃科妻劉知善。可崇知惡。可捨上爲皇帝陛下。見存眷屬。亡過父母。敬造石像一堪。願亡者獲果。存者延遐。有移之類。咸同斯福。碑拓本

朱元洪妻孟阿妃

造老君像記

大齊武平七年歲次丁酉二月甲辰朔廿三日丙寅清信弟子孟
阿妃敬爲忘夫朱元洪及息子教息子推息白石息康奴息女雙
姬等敬造老君像一區今得成就願亡者去離三塗永超八難上
昇天堂侍爲道君芒芒三界蠢蠢四生同出苦門俱昇上道碑拓本
廬士溪妻崔氏

崔氏崔休義之女

春日呂桃花饋兒面呪家呪俗視字

取紅花取白雪與兒洗面作光悅取白雪取紅花與兒洗面作光
華取雪白取花紅與兒洗面作華容御覽二十引漢世南史略

賜進士出身一品伯廣東等處提刑按察使司按察使兼管驛傳事務黃岡王毓藻校刊

全北齊文卷九

烏程嚴可均校輯

闕名一

正會班五條詔書

一曰政在正身在愛人去殘賊擇良吏主

通典作正

決獄平徭賦二曰

人生在勤勤則不匱其勸率田桑無或煩擾三曰六極之人務加

寬養必使生有已自救沒有已自給四曰長吏浮華奉客已求小

譽逐末舍本政之所疾宜謹察之五曰人事意氣干亂奉公外內

潤滑綱維

通典作紀綱

不設所宜糾劾

隋書禮儀志四後齊正日係中宜詔慰勞州郡國使又班五條

詔書使人歸已告刺史二千石又見通典七

案此詔不知始何帝時編入闕名類

爲閭姬與子宇文護書

天地隔塞子母異所三十餘年存亡斷絕肝腸之痛不能自勝想
汝悲思之懷復何可處吾自念十九入汝家今已八十矣既逢喪

二
備嘗艱阻恆冀汝等長成得見一日安樂何期罪罟深重存歿

分離吾凡生汝輩三男三女今日目下不覩一人興言及此悲纏

肌骨賴皇齊恩卹差安喪暮又得汝楊氏姑及汝叔母紇干汝嫂

劉新婦等

北史作汝嫂劉及汝新婦等

同居頗亦自適但爲微有耳疾大語方

聞行動飲食幸無多恙今大齊聖德遠被特降鴻慈既許歸吾于

汝又聽先致音耗積稔長悲豁然獲展此乃仁侔造化將何報德

汝與吾別之時年尚幼小已前家事或不委曲昔在武川鎮生汝

兄弟大者屬鼠次者屬兔汝身屬蛇鮮于修禮起日吾之闔家大

小先在博陵郡住相將欲向左人城行至唐河之北被定州官軍

打敗汝祖及二叔時俱戰亡汝叔母賀拔及兒元寶汝叔母紇干

及兒菩提并吾與汝六人同被擒捉入定州城未幾間將吾及汝

送與元寶掌賀拔紇干各別分散寶掌見汝云我識其祖翁形狀

相侶時寶掌營在唐城內經停三日寶掌所掠得男夫婦女可六

七十人悉送向京、吾時與汝同被送、限至定州城南、夜宿同鄉人
姬庫根家、茹茹奴望見鮮于修禮營火、語吾云、我今走向至本軍、
既至營、遂告吾輩在此、明旦日出、汝叔將兵邀截、吾及汝等、還得
向營、汝時年十二、共吾竝乘馬隨軍、可不記此事緣由也、于後吾
共汝在受陽住時、元寶菩提及汝姑兒賀蘭盛洛、并汝身四人、同
學博士姓成、爲人嚴惡、汝等四人謀欲加害、吾與汝叔母等聞之、
各捉其兒打之、唯盛洛無母、獨不被打、其後爾朱天柱亡、歲賀拔
阿斗泥在關西、遣人迎家累時、汝叔亦遣奴來富迎汝及盛洛等、
汝時著緋綾袍、銀裝帶、盛洛著紫織成纈、通身袍黃綾褰、竝乘驪
同去、盛洛小于汝、汝等三人竝呼吾作阿摩敦、如此之事、當分明
記之耳、今又寄汝小時所著錦袍表一領、至宜檢看、知吾含悲感
北史作含悲袍感多歷年祀、屬千載之運、逢大齊之德、矜老開恩、許得相
見、一聞此言、死猶不朽、況如今者、勢必聚集、禽獸草木、母子相依、

吾有何罪與汝分離今復何福還望見汝言此悲喜死而更緣世
間所有求皆可得母子異國何處可求假汝位極王公富過山海
有一老母八十之年飄然千里死亡旦夕不得一朝暫見不得一
日同處寒不得汝衣飢不得汝食汝雖窮榮極盛光耀世間汝何
用爲于吾何益吾今日之前汝旣不得申其供養事往何論今日
已後吾之殘命惟繫于汝爾戴天履地中有鬼神勿云冥昧而可
欺負汝楊氏姑今雖炎暑猶能先發關河阻遠隔絕多年書依常
體慮汝致惑是已每存款質兼亦載吾姓名當識此理勿已爲怪
周書晉公護傳齊主曰護旣當權重乃留其母曰
爲後圖仍令人爲間作書報護又見北史五十七

都邑師道興造石像記并治疾方

夫金軀西奄儼像東流寶相口口口口口口自非傾珍建像焉可
藏彼遺光若不勤栽藥樹無已療茲壘贅然今都邑師道興乃抽
簪少稔早託縉門入相俱閑五家具曉爰育合邑人等並是齊國

芳蘭鄉中崑壁同契孔懷和如骨肉人抽妙口敬造釋迦石像一軀并二菩薩口僧侍立事廣難名天花雜狀尋形亘遍欲使崇真之士指瞻歸依慕法之徒從茲解悟已此微誠資益邑人師僧父母七世歸真現存獲福皇祚永延舍生普潤共越死河同昇彼岸大齊武平六年歲次乙未六月甲申日功訖

碑拓本 案記文下
方及左方刻療上氣
三千字不錄

朱曇思等造塔頌

大齊河清四年歲次乙酉三月癸未朔四日丙戌慈風未鼓品類同昏惠化一開乃羣情等覺雖真光暫曠而實相可追故惜茲苦海志彼零峯邑主朱曇思朱僧利一百人等于村之前兆其勝地綿基細柳白虎遊南敬造寶塔一軀經之不日斜簷煙際四翥風生鏤機真離刻墓兜率腕聖蛟龍看之若生飛禽走獸瞻疑侶活羌弗可得如言矣魏魏易觀裕爛難名遂託銘神宮冀貽万葉仍

因撮士之功敢發廣厚之願國祚永隆覆載等一頌粵

爵璃往昔麗宇今茲弱黛留烟炎起停暈瑤草垂露畫樹懸系荷

抽紫葉嶺鬱青芝

碑拓本

洛陽合邑諸人造像銘頌

妙旨幽微非聖無可盡于源聖行之興非福智莊嚴豈能口其道
然今合邑諸人等宿殖明珠久歷諸佛故能異心同口仰慕遺蹤
在于定光佛前敬造七佛寶堪梓二菩薩賢聖諸僧殄勒下生梵
王帝釋舍利非壹其金容赫奕照曜三千華麗二相妙苑八十冠
木圓渥像而非喻採壁模形焉是其譬觀之者淨信開明虔禮者
三郭殄息斯乃塵勞之中紹如來種籍此勝善願國祚永隆三寶
增盛法界四生七世先靈存亡父母現在眷屬發菩提心殄勒下
生恆爲導首開化羣迷廣修萬行共集善根同證菩提之道刊銘
頌曰

法性如如、非有非無、體非分別、妙用非虛、入相成道、偈同凡夫、生而非生、滅而非滅、神通隱顯、摩王歸軼、化導三千、入天獨步、改迷接聖、慈悲覺寤、示三空門、令遊正路、淨修波若、四攝資助、奮翼道品、菩提永圓、天統三年歲次丁亥三月壬申朔十五日丙戌建碑本

邑義造丈八大像頌

□□□□□□□□□□□□□□悲爲懷宏濟五濁□□權立
朗鑒萬法隨遂根□□□雙林緣盡居尸遂能□□□構刹圖儀
波斯從後末□□不仰慕聖容者哉是呂邑義一百人等呂今大
齊天統三年歲在丁亥五月十五日共造丈八大像一軀上爲皇
家永康下爲羣品師僧□□累劫因緣四生洽識悉捨妄想同登
正覺其頌曰

寶殿蓮基尊像靜嘿聲聞菩薩侍立其側徒眾和雍僧□嚴飾禪

誦歎詠晝夜無息。曰此福緣壽報無極其置福處也。北連名山太
丘之廟南有高崗胡城永固處在中央口水東注人民口祥營造
福口口爲帝皇四海歸湊壽樂口疆。曰斯願力俱會道場邑義諸
人皆元出四海據口口口禮教自防德達仁口口口爲尊。曰法爲
口欽敬口口口口歸投。曰斯福緣永口口口。碑拓本
劉碑造像銘

夫靜妙虛凝聖蹤難尋。懷怕無祖非有心能知。雖形言幽絕誕迹
三千慈悲內發欲濟危救苦演十二而曉羣情喻三車。曰連諸子
權應歸空潛神真境然篤信佛弟子劉碑河潤人也寶貴唐資護
基漢緒襲踵前王衣冠萬代因官隨爵芳柯嵩左此人善識四非
深解五業纂纂鄉邦舊領懷珠獨照皆是軒姪扶疏英裔之孤挺
晉魏九域磐根之樑棟殷肅皇之朝飛聲齊室故能同率縑素異心
共遵等意採石金山遠求名匠奇思罕聞巧殊世外四挾靈機之

顯西據王舍之湯派流濟濟建像一區構基三泉首騰霄月眞容
凝然化流無尋光曜十方空空遍滿視之者目由花生觀之者我
心家滅仰爲皇祚永隆罕轉懸上曰此果緣福鍾師僧七世願使
神登紫宮形昇妙境見在盛康子孫興茂辨智超本表心六藝宦
極台相位累九坐左階歡讚來栖道跡往往逢賢處處遇聖蠢動
普沾同照十日身當正覺遊濟彼岸刊鑲金芳願言不朽其辭曰
如來聖跡邈矣難尋究竟歸空妙理實深出沒自在顯滅雙林欲
隨而土攝已愚心龕龕有佛相望苦語菩薩立侍哈聲未吐師子
護坐豎日相觀諸天作樂口口對舞金剛力仕在戶之傍邪捲口
目偃蹇相當波旬請死欲退無方道俗肩隨慶會天堂肅肅法師
寂寂道場崇之若近尋之芒芒垂誘下土上接攜將六口解羅三
有暈光俄俄禪定神歸空外眞化無尋心監三昧脫骨王子廣度
一切夙樹珪璋悉羅天闕冠冕世襲金柯秀發辨隆待仕殊今古

越僞邁機驚咬然若月信士英英契悟福期鐫鏤金石相好巍巍
嵯峨妙絕是難是希終天畢地永爲葦基

碑拓本說嵩云天保八年

銅雀臺石叢門銘

大齊天保八年九年造銅雀臺石叢之門百代之後見此銘者當
復知之將陳驥軍副程顯承冀瞻幢主孫悅軍主董侯幢主楊曇

碑拓本
臺成蓋經始于八年故云八年九年也

在孫寺造像銘

蓋太儀育物品類不同隨口口以輪迴逐陰波而自溺可嗟薄福
熟爲津樑哀哉士徒誰口出要唯無上大覺獨悟玄深志欲道正
水曰壞邪山乘慧炬而滅癡闇故堅杜六門大開八口龍魔鎖口
虎見斯伏但感微應促毒樹之音已彰如住无善利口滅之幻唯
速于是燈光夜掩法舟息駕遂使入到熾然業愛增甚自非曉燭
直途了斯相染熱能俳口扇而超昇望宗一而高蹈哉都邑主張

曠族辭景略仇洪祖寇智業陶洪遠李祖憐都口口百口拾人等
以是漢曲明珠移山之貴狂風口口蘭口飄舉嘆世快疏鄉家
口根卡泉而結裙袖入口月而口龍口如此隆二昂二盛哉雖
浮俗愛起口千端口口至口思口不憚口勞之軍慧劍雙懸罕口
口魔之陣无不口纂口蹤騰開口口口口金顏之口佳口口口之
口口遂廣建伽藍口口口口口口口口之口面口大起帝有之
奇身真容不燬若百葩之開春樹朝曦竟照類万日之聚高天足
使跛躄發口口心返正雖猛炎銷天洪波沸地而神堰寶岍畢竟
常口昔口拊擁沙尚懣菩提業盛前脩功名顯著豈使日月空流
聲塵无无口彫金垂範傳芳不朽自非立信空門皈心淨域將知
福報無虛功不忘斷脩回口善口口俾口口捨財崇福佐天堂之
業上爲三寶口口七世父母過往口師現在居眷門徒子孫世貴
國內人民口口役口口口速至下及邊地蠢動蒙恩五道口澤有

刑之類普獲福利齊號河清三年歲次甲申四月己丑朔廿日戊

申碑拓

姜纂造老君像銘

大齊天統元年太歲乙酉九月庚辰朔八日丁亥界官姜纂爲亡
息元略敬造石像一軀夫靈暉西沒至理東遷圖盡神明像窮變
現道遙業峻因藉報遠清信士姜元略志隆邦國仁越州閭衡巷
仰風鄉邑瞻望早洞玄源夙達空旨而石火電爛儵忽從化松摧
落岫蘭彫夏霜寶散閭泉玉碎黃壤父纂情慕東門心憑眞福特
爲亡略敬造老君像壹軀左右二侍聖相眞容妙絕婆娑雕檀刻
削波斯應奇鑄金鐵石優填慙巧神光照爛遍滿閭浮香氣氤氲
充塞世界紫盛飛行事符踊出以此勝因追資亡略直登淨境獨
步空虛逍遙天服飛出六塵遨遊慧體長超八難彈指則遍侍十
方合掌則歷奉衆聖過去尊卑見存眷屬亡生淨鄉現獲妙果當

來龍誰願昇初唱皇家慶隆澤洽邊地三途楚毒俱辭苦海六道
四生感蒙勝福壹切有形同成正覺碑石
董洪達造像銘

大齊武平元年歲次庚寅正月乙酉朔廿六日蓋諸佛智海本自
無崖既與法界淨寬復共虛空競遠如童尊重臥渥而布髮藥王
思報上天而雨花暮攸前蹤更開後轍是日都邑主董洪達其人
可謂映望遠聞聲樹遐邇志超雲外深識無邊體同聚沫豈齊風
露遂率邑徒冊人等乃訪藍田美玉琨璞京珍敬寫靈儀用深表
代匠思奇端朝研殊珎晝探金粧玉鏤周畢眾事明麗尋形匠遍
拔若天上降來後似地中湧出其處口徘徊巖絕峴左依山渠
南闕大壑西盼京都私乃唯非舍利神口口口寶是口口布金爲
地自非口見大士十力世雄安能建斯功業者哉仰資帝祚永隆
存沒父母因緣眷屬普蒙斯善其辭曰

茫茫法水眇眇零津惠流无外化被微塵三界有潤火宅無辛杳
杳眞容非人弗顯苦樂憂悲非福不遺刊石記功已照諸善傳拓本
比丘僧道略等造神碑尊像銘

自夢影東藏金人感帝像法肇興鳩摩旃悟方知城芥易窮五衣
時往雲電屢馳石光何速若夫智出非恆道光大地德被天中威
羅世界莫不發迹紫宮口驅兜率越度生死之河飛憑沸流之海
而四生夥雜八徑紛紜壽等芭蕉業同泡沫然大鑒降澤顯跡迦
夷應權雙樹見從忍土布慈雲于無邊注法雨于六道懸明鏡于
重幃炳金鏡于長夜然則神珠照灼映寶塔于空中甘露融祥潤
枯萌于世上若乃久墮慾海不識沈厄之苦長處火山詎愁煩燎
之痛矣是以邑師比丘僧道略體白六道獨懷二覺雄才勇志總
判三乘澄華皎淨與琉璃合潔素質鏗鏘與隨珠角曜故知二鼠
之暴不停四蛇之毒長在遂能共邑義三百餘人等託志菩提建

崇引願石出藍田求工班爾敬造神碑一所尊像八嵒龍輅鉅鐘
若雲山之烈彩麗枝妙形似七寶之莊嚴而改天動地之奇窮神
盡聖之巧間浮婆娑之珍眾生大慈之業然則地兼爽塏比竹林
而並麗寺帶良田匹鹿苑而不殊花果氤氲桂蘭綺合靈芝勾藥
布護皆延房廡周通斜口口出倚摘璽璫浮樑止雪蓮錢遶淥井
碧水類清泉口樓交葛藟鐸參差羽翮翳林禽聽妙響鸞鸞雙樹
翫好眞音至于青風朗扇鍾聲相和莫覺檀指合掌南无遊歷四
禪之境觀入三脫之中內安万練之僧招精進之士銀爐鼓炎百
和騰煙錫響讚聲定崩煩惱有性厥靈永登寶地凡命含品普昇
淨土藉斯功德遍沾口口芳謠時歇銘歌何窮其詞曰

玄冲眇邈正教終歸三明自達六職雲飛浮虛兜極殿影紫微縣
空遊息三界徘徊地居勝土寺遠花蓮周迴風觀遍帶流淵上干
浮漢下際幽泉方須玉樞事籍金船踵茲洪福爲海舟楫發心何

遠彼岸猶長天人覺悟超投太康所願閭浮同登淨鄉大齊武平

二年歲次辛卯九月十五日建碑拓本

邑義主一百人造靈塔銘

蓋至道玄凝幽崇理寂三塗無樂慾海多難雖復積骨成山詎照

剎那之性血溢四河靈窮神甚之域然今邑義主碑空三一百人字未刻

等置宅祇園栖神文囿俱明典常脩政法承天之意彌遠去人

之情久遠身懷智慧之炬體納无盡之鎗常欲瀛流洒除心垢故

知四大虛假五總難制割捨俗財寄不燬之室築茲勝地造靈塔

一區模育王之真軌放舍利之影跡巍巍勢巧穎越於崔離嶢嶢

陵霄峻高於兜率靈像儼儼濟度于恆沙相好巍巍口口口口六

以斯上善下

大齊武平三年歲次壬辰鐫十二月十六日訖功碑拓本

吳洛族等造像銘

夫珠玉非濟渡之珍、良璧豈救時之寶、欲取將來之益、都因莫大於捨施、是以象馬無悋、標名第一、剋檀爲助、福亦不二、今有佛弟子吳洛族十五人等、竝宿精冥因、洞識超遠、居或曉真、遊塵獨處、擬妻子不爲己物、唯以片善爲家、有各率誠心、擬造釋迦彌勒、石像周迴十堪、畫飾悉訖、其尊容雜事、彫瑩殊異、亦可驗之於目、觀更不待言題矣、其詞曰、

泉源浩汗、無邊無畔、應似而有、診之洪漢、邑人誠感、誰不詠讚、藉此微緣、除之八難、理抑本

賜進士出身一品銜廣東等處提刑按察使司按察使兼管驛傳事務副王統榮校刊

全北齊文卷十

烏程嚴可均校輯

闕名二

鄉老舉孝義雋脩羅碑

皇建元年十二月

唯皇肇祚、大齊受命、引軒轅之高宗、紀唐虞之遐統、應孝義以改
物、揚仁風以布則、於是緝熙前緒、照顯上世、雋敬字脩羅、續土莫
安、食棗渤海、前漢帝臣、雋不疑公之遺孫、九世祖朗、遷官於魯、遂
住洙源、幼傾乾蔭、唯母偏居、易色承顏、董生未必過其行、守信志
忠、投杼豈能着其心、捨田立寺、願在菩提、醢味養僧、纓絡匪惜、救
濟飢寒、傾囊等意、少行忠孝、長在仁倫、可欽可美、莫復是過、蓋聞
詮賢舉德、古今通尚、隱秀薈才、雖曩自現、余等鄉老、壹百餘人、目
睹其事、豈容嘿焉、敬刊石立樓、以彰孝義、非但樹名、今世亦勸後
生、義夫節婦、詔令所行、其辭曰、

臨淶水，具有公路，囀之低迴，右觀舊都，快有京華之勢，前矚風巖，
據有曹操之故壘，從背望山，伊洛之南地，私乃正是四奧之華，壤
中墟之靜土，唯非舍利神變之園，實是須達布金之地，其像也，乃
運玉石於荆山，採浮磬於淮浦，鐫勒彫文，竝龍鱗而翠琰，鏤狀圖
形，等金錦而競炎，雙林見光，未殊於此妙，剋檀成剎，有愧於今容，
既如天上降來，又似地中勇出，其中万相莊嚴，五色鮮妙，珠紫爭
光，清黃吐豔，跂看之從，樂善忘歸，觀狀難同，尋刑叵遍，自非高見
大士，十力世雄，孰能建私功業者哉？緣茲摩訶善根，仰發洪願，三
寶常存，法輪永固，王祚剋隆，七世先靈，託生妙樂，見在眷屬，值佛
聞法，四生之類，等成正覺，天統三年歲次丁亥四月辛丑朔八日
戊申建立

碑拓本

馮翊王修平等寺碑

蓋口功惟

下關

通言口口在自口成口口口關鷲山大則照神光

於大千微則總百億於微介乘權授手津被塵沙有感斯應闕下

迹口口於西林口教口于東夏真口口廣靈口再興不有覺人孰

弘斯道至若拔山移海之力復夏興周闕下之闕下侶或負氣口

門口葉累世或神化澹泊百祀千齡莫不委骨高於山岳屑淚多

於河海共轉輪迴之苦同歸口月闕彼岸平等寺闕下永平中

造定光銅像一區高二丈八尺永熙年金塗訖功像在寺外未得

移闕下大闕下大殿正屋闕下及闕下口邑爲豺狼之窟皇居成

戰關之場四海分崩八宏淪喪人物將盡盛闕下神武皇帝龍闕下

先天奉時觀口口休於是龍視豹變鷹揚闕下起補西北之虧天

紐東南之缺地大拯蒼生康茲頽俗嶠函西割闕下帝城闕下烽

口幾旬機衝口倫禡便使七政難齊衣冠道缺將令五禮僇制謀

遷協於卿士卜徙呂決著龜上天剋從大同口口皇興口口口口

口移肇洛遂空城寺口毀銅駝之術無復連鑪金馬之門闕下聞待

詔荒涼宮室禾黍生悲寂寞他臺上墟流歎高祖以王業草創口
口口口志去門泥觀兵故洛見象壞奇神徵屢感莊嚴具足相好
如眞若出嶠山猶居祇樹時流運謝隱晦口紀遂口口口口口
花淨口青蓮未遷福地達人弘道觸物兼懷發菩提覺心希無上
正果躬親致禮遷像入寺登給羽林長口守口武定末世宗文襄
皇帝口口口口口河洛歷攬周京觀佛儀相世未嘗有身色光明
寶所希妙崇申祀敬廣施軍資增給兵力因口口口口口代驟改
口口非固口石口口口廬易毀詹葛傾口結構崩頽駭癘上於雕
梁青苔衣於藻井遊鱗積座等形住於慧禪草莽生懷口神畱於
智崇行口口口口口枯口口之內菊爲茂草太宰河陽道大行
臺錄尚書事馮翊王高潤卽神武皇帝之稚子文襄章烈孝昭武
成四口口金口口口口之懿口稟精瑤室分萼鄧林淑氣所膺誕茲
英哲可謂崑山之上美玉挺生瀛海之中明珠開出迴口口口自

關下 數仞崖岸平口口口非梁燕之儔富學豈簡平之背既能調

通四氣宣導三光鼎鍊由其致和禮教因之敬洽飛口口問忠口

樹聲致福關下 土宇受賑而靜關河德若膏蘇恩同雲雨出軍命

將必稟策呂折衝掠地屠城會諮謀於帷幄王既通口口二洞口

三口口知佛關下 不究竟護浮口於苦海機寶口於金河自推穀

專行口戎奉律治兵餘暇降志弘道鳴鑾展禮覽駐駢服俄見繡

雉飛於梁口文狸起於口中歎淨宮之彫毀嗟伽藍之樂構永言

舊事思用修復割捨侔於布金窮材罄於文梓匠人單五郡之妙

畫繪極口土之奇崢關下 糾糾於鯨棟扶鳳竦於虹梁類玄圃之

銀樓等蓬萊之玉闕天衣容裔麗三銖之重像色口口口十力之

關下 始可言矣寺則負彼崇邱面口清洛右依城雉左帶洪陂嵩

岳攤其前靈河行其後望關下 興賢口勝地真粵福田於是苦行

異人慧心高德皆通九部咸曉二禪乃振錫來儀關下 成田高山

虧而□□豐碑宜勒銅柱須揚徽猷盛事無殞長葉其詞云
 □□□□□□□□□□□□□□□□□□□□同歸大
 師□□空播音微其一彼岸須登寶舟宜運劫石期盡飢膚何常聖
 帝英王□□□□□□□□□□□□其二□□□□□□□□□□
 □□□是屬貞明瓊宮□氣瑤室和精氤氲降祉生此人英其三豔
 劬既佩誠誅是□□□□□□□□□□□□□□□□□□□□
 □興千雲臨旭四其雕梁□柱□壁丹櫨朱扉玉砌青瑣金鋪風鳴
 韻鐸日照和珠高山仰□□□□□五其□□□□□□□□□□□□□□□□
 □□□城隍潤招提是構□□□□□□三乘七覺衢導是問六其山虧
 一匱海涸三田殷墟闕寂周室下
 月十五日刊 大齊武平三年□□壬辰八

臨淮王造像碑

大齊武平四年歲次癸巳六月乙未朔廿七日辛酉建

爾曰萬川朝海、大海終自爲陵、五雲出山、名山久而爲礪、謂天謂地、悉有時而崩毀、日乎月乎、竝無救于盈缺、縱陰陽莫測、夷夏率從、奮六轡而遠馳、蜚九翼而高視、安知眾苦鱗萃、五衰波屬、儵與暴風競馳、俄將落葉俱盡、假令悔瓊隨飛、玉觴燭日月、驅風雨車、騎如雷、乘空幸延季之策、旌旗過景浮虛、造子登之岳、陸生仙賦、僅舉一隅、張子真篇、唯明片分、皆亦馳於廢興之術、環於起滅之途、侔薤華之驟殞、通藤根之易絕、茲焉以外、眾生何限、墨竭塵盡、所未能量、竝驚踰接、緩危過累卵、電謝忽據、泡慙儻忽、然則莫知其去、罕見其來、災風埽而更安、毒火焚而弗爛、若而不具八解脫、備六神通、懺萬善而積蔭、超百非而迴越、亦何堪至于此哉、若夫前聖後聖、天之又天、八恆之大醫王、十方之大仙主、或與定光同字、數極五千、或共弗沙等名、竿盈三億、雖應現季別、王領諸華、而妙力神光、規重矩疊、竝慈雲廣庇、善雨周覃、皎習日於前、

鑒於積暗、悲河鼓浪、六度之船、併浮熾宅、揚煙三乘之轍、俱轉咸
靈之大、未易等級、變化之奇、實難思議、層山納於芥子、仍自嶽岑
巨海入於毛穴、無妨浩淼、伏闕止之狂鳥、弭迦葉之毒龍、波旬翻
而喪魂、梵志望而辟魄、誠最尊最朕、莫高於法王、但非滅示滅、還
失於慈父、於是鄣巖徒朗、值木終難、虛瞻白鶴之林、誰逢青雀之
樹、醵令水言功德、永遏波濤、山名智慧、遂潛峯景、其能闡清化於
將淪、振玄風於已墜、千年一有、非我而誰、使持節都督青州諸軍
事驃騎大將軍青州刺史司空公監都縣開國公高城縣開國公
昌國侯臨淮王婁公、孕彩中岳、擣精大水、龍章外動、豹氣傍飛、妙
質則固若珠明、瓊姿則朗猶玉瑩、負將相之奇器、懷社稷之高節、
經文大德、紛綸而備九佩、武殊功、雜踏而兼七拂、羽則搏風歷漢、
抗足則超塵絕影、知管樂之爲小、識元愷之非大、鼓盪於天地之
間、疏散於雲霞之表、排帝門而矯首、沐皇慈曰濯鱗、裂壤分珪、旦

夕兼委儀台服袞造次呂之始暎金蟬鄧丁劉於漢日暫栖鷺沼
蔑陳張於晉京履每曳於南宮職頻關於北斗迄文昌而鳳跬入
鉤陳而虎盼移陵而北負海而西分屬虛危音中角羽連衽與密
雲爭暗旨酒共漚流競湊其鴈會樂於茲所尚父經封於此域孔
融之見圍也史慈冒難於都昌袁譚之被攻焉王脩赴禍於高密
聳丹山而峭立迴紫城而鬱連敗燕之勢未淪巨漢之容尚在是
爲名岳實冠諸藩秉刺於茲義歸親重故能整旗蓋而辭閭閻節
節繞而下營丘唯始闢而鄉移宛纓彰而俗變三春未動別鼓春
應九冬不殊自懸冬蠹齊之曰禮導之曰德寬大居先威嚴次後
哀恤孤寡誅黜豪黠徭役既損奸軌斯逃持廉作實日昃視於金
玉匪財而富身詎染於脂膏遂令神雀集苑災蝗避域羣子與順
孫藁秀節妻共義士相望凡如此流抑亦眾寡不能備序故復略
言假細侯之行美稷孟堅之案交趾子虞稱最於區中梁道作注

於寢內持來況我無不退飛兼憤然興嘆類羊公之陟岵喟然垂
感切孔父之臨川悲此有之難拘慨茲生之易滅常住之因遂植
彌陀之願仍起故海岱之間凡諸福地罔不傾蓋悉展懇誠於是
民吏奉規事難捨而能捨表裏蒙化業難行而遂行何異草逐風
低水從壺變僧寶因而再盛佛日由其更懸南陽寺者乃正東之
甲寺也既左通闢闢亦右馮澗谷前望嵐嶺却鄰泚瀨層巒迢於
湧塔祕宇齊於化宮足使須達羨其經啟延壽韜其賦頌感致之
極莫與爭先果屈輪輿頻脩禮謁香甫燃而霧作花劣飛而霞下
遂於此所爰營佛事制无量壽像一區高三丈九尺并造觀世音
勢至二大士而俠侍焉庶國道與華胥競尚帝業共虛空比壯含
靈賦命盡值優花乃具曰三心成之百寶白銀之麗咸寫紫金之
妙畢圖豪如五嶺之旋卽之便覲目似四溟之潔驗之猶在毗楞
寶冠帶左而馳耀鉢摩空髻據右而飛光望舒之迴處星中須彌

之孤暎海外、僅堪方此、何目尚茲、前長史解叔寶司馬李元驥別
駕宇文幼鸞、治中崔文惠及諸僚佐等、竝滄口下筵贊成高義、狀
鱗波之遽得、劇風毛之互舉、恐炎涼遽徙、綠竹難存、便勒美於貞
石、庶永永於乾《乃作銘曰、案金石志云、銘曰之銘、原本已泐、今檢新舊唐本、實是銘字、他碑無此例
駛河難測、暗海无邊、津梁莫起、燈燭誰燃、念念不住、苦苦相治、生
猶電轉、滅甚雲旋、昔往今來、靈仙非一、騎龍駕虎、排霄蔽日、朝登
玉樓、夜遊瓊室、終歸聚散、安知假實、常住無我、寄在天恩、業苞眞
俗、事斷名言、惚峯虧構、慧浦疎源、神儀或掩、像法弥敦、亦有人英
翹然孤上、似竹千仞、如松百丈、帶鉉之蕃、仁溪舉仰、一方饒益、千
城注想、覺花常吐、愍葉恆春、誓將調御、盡求轉輪、爰脩佛寶、於此
東秦、項光仍射、眉相還陳、雙樹結影、三蓮接耀、五道光含、十方輝
眺、果名奇特、是稱眾妙、樂地在茲、焉須遠召、福之所暨、盡專爲我
俾斯含識、俱圓妙果、行值嵐風、方逢劫火、空餘勝績、無騫無墮、碑拓

木 案臨淮王若斐昭子定遠也北齊書北史並有傳

外國

王高德

高德高麗國大丞相

啟問法教始末緣由事敘略

釋迦文佛入涅槃來至今幾年又于天竺幾年方到漢地初到何帝年號是何又齊陳佛法誰先傳告從爾至今歷幾年帝遠請具注續高僧傳十法上

釋氏

大統

奏并州掘地有人兩唇其舌赤色

此持法華者令六根不壞殷誦千遍定感此徵法苑珠林一百二引侯君素集

道宣

紀事

宋初有法瓊尼南方人不知因緣所出辟穀食棗栗不著綿帛戒德甚尊嚴禪定多所感通會稽恭子張使君莅廣州便供供之隨使君還吳又隨出入尼自剋亡日捨命後勿棺殮但已乞烏鳥至破岡如期而終使君依旨送林野間停再七日七夕烏獸不敢侵乃收殮焉亡祖親使君之第四女也就瓊尼受戒敕余記錄之

廣安明集

道岫

造像記

大齊天保十年七月十五日比丘道肅敬造廬舍那法界人中像一區願盡虛空邊法界一切眾生咸等正覺

碑拓

慧可

慧可一名僧可俗姓姬虎牢人初名神光久居伊洛事達摩于

少林得法傳衣是爲二祖

命筆回示向居士

備觀來意皆如寶真幽之理竟不殊本述摩尼謂瓦礫豁然自覺
是真珠無明智慧等無異當知萬法卽皆如愍此二見之徒輩伸
詞措筆作斯書觀身與佛不差別何須更覓彼無餘傳燈錄

賜進士出身一品銜廣東等處提刑按察使司按察使兼管驛傳事務資岡王毓藻校刊

全北齊文卷十終